

ԳԵՂԱՄՍ

ՀԵՐԱՐԸ

Քաղաքական, հասարակական, մշակութային թերթ 14 փետրվարի 2025թ. թիվ 3 (607)

ԳԵՂԱՐՔՈՒՆԻՔԻ ՄԱՐԶՊԵՏ ԿԱՐԵՆ ՄԱՐԳՍՅԱՆՆ ԱՇԽԱՏԱՆՔԱՅԻՆ ԱՅՑ ԿԱՏԱՐԵՑ
ՄԱՐՏՈՒՆՈՒ ԲԺՇԿԱԿԱՆ ԿԵՆՏՐՈՆ



Փետրվարի 4-ին Գեղարքունիքի մարզպետ Կարեն Սարգսյանն աշխատանքային այց կատարեց Մարտունու բժշկական կենտրոն՝ բուժաստանության շենքի տանիքին արելային ֆոտովոլտային կայանի տեղադրման աշխատանքների ընթացքին ծանոթանալու և տեղում բուժանձնակազմի հետ որոշակի աշխատանքային հարցեր քննարկելու նպատակով:

Մարզպետը շրջայց կատարեց արելային ֆոտովոլտային կայանի տեղադրման շինհրապարակում, պոլիկլինիկական, ինֆեկցիոն, թերապիտիկ, մանկական բաժանմունքներում, անհետաձգելի բուժօգնության և հեմոդիալիզի սրահներում,

գրուցեց բուժանձնակազմի և շինարարների հետ, իսկ տնօրինության հետ քննարկեց առաջնահերթ լուծում պահանջող մի շարք հարցեր:

«Հայաստանի վերականգնվող էներգետիկայի և էներգախնայողության հիմնադրամի» և Մարտունու բժշկական կենտրոնի միջև կնքված պայմանագրի համաձայն՝ Մարտունու ԲԿ շենքի տանիքին տեղադրվում է 150 կիլովատտ ժամ հզորության արելային ֆոտովոլտային կայան, որը շուրջ 11 միլիոն դրամով կնվազեցնի բուժաստանության էներգետիկ ծախսերը:

Շինարարական աշխատանքները մեկնարկել են 2025 թվականի հունվարի կեսերից և կավարտվեն առաջիկա օրերի ընթացքում: Ծրագրի պայմանագրային արժեքը կազմում է շուրջ 19 միլիոն, որի 20 տոկոսը ներդրում է Մարտունու բժշկական կենտրոնը, 80 տոկոսը՝ «Հայաստանի վերականգնվող էներգետիկայի և էներգախնայողության հիմնադրամը»:

«Մարտունու ԲԿ տանիքին արելային ֆոտովոլտային կայանի տեղադրմամբ մենք ստեղծում ենք կարողություններ, որոնք ուղղելու ենք բուժաստանության շարունակական զարգացմանն ու առաջընթացին: Ձեռավորվում է նկատելի գումարի խնայողություն, որի հաշվին կիրականացվեն տեխնիկական վերազինման նոր ծրագրեր, կներդրվեն բժշկական նոր ծառայություններ»,-շրջայցի ավարտին իր տպավորություններով կիսվեց Գեղարքունիքի մարզպետ Կարեն Սարգսյանը:

ԳԵՂԱՐՔՈՒՆԻՔԻ ՄԱՐԶՊԵՏ ԿԱՐԵՆ ՄԱՐԳՍՅԱՆՆ ԱՆՑԿԱՅՐԵԼ Է
ՄԱՐԶԱՅԻՆ ԶՈՐԱԿՈՉԱՅԻՆ ՀԱՆՁՆԱԺՈՂՈՎԻ ԱՄՓՈԹԻՉ ՆՈՅՏ

Գեղարքունիքի մարզպետ, Գեղարքունիքի մարզի զորակոչային հանձնաժողովի նախագահ Կարեն Սարգսյանն անցկացրել է մարզային զորակոչային հանձնաժողովի հերթական և 2025 թվականի ծննդային զորակոչի վերջին նիստը, որին մասնակցել են զորակոչային հանձնաժողովի բոլոր անդամները:

Քննարկվել են ծննդային զորակոչի ավարտական փուլերին վերաբերող հարցեր, որոնցից հետո ՀՀ ՊՆ ՀԶԿ Գեղարքունիքի մարզի զինվորական կոմիսար, գնդապետ Արմեն Մնացականյանը զեկուցել է հանրակրթական ուսումնական հաստատությունների ավարտական դասարաններում սովորողների տարկետումներին վերաբերող հարցեր, որոնց ուղղությամբ հանձնաժողովը տվել է համապատասխան եզրակացություններ:

Հանձնաժողովը քննարկել է նաև զորակոչի աշխատանքներին ներգրավված կազմակերպությունների փոխգործակցությանն ուղղված հարցեր, որոնց վերաբերյալ մարզպետը տվել է համապատասխան հանձնարարականներ:

Նիստի ավարտին զինվորական կոմիսարը զե-

կուցել է, որ ծննդային զորակոչի նախնական առաջադրանքը Գեղարքունիքի մարզում գերակատարվել է:

Նիստի ընթացքում քննարկվել են նաև պաշտպանական ոլորտին առնչվող այլ հարցեր:



ՆԵՐՔԻՆ ԳԵՏԱՇԵՆԻ «ԳԵՄԵՐ» ԴԱՄԲԱՐԱՆԱԴԱՇՏԻ
ԽՈՐՀՐԴԱՎՈՐ ԳԱՂՏԵՒԹՆԵՐԸ

Գեղարքունիքի մարզի Մարտունու համայնքի Ներքին Գետաշեն գյուղում մարդկային կյանքը սկզբնավորվել է անհիշելի ժամանակներից և,



գրեթե առանց ընդմիջումների, հասել մինչև մեր օրերը: Բավական է ասել, որ այժմ Ներքին Գետաշենը, 2016 թ. մարդահամարի տվյալներով, համարվում է Հայաստանի Հանրապետության ամենախոշոր գյուղական բնակավայրը՝ 9430 բնակչությամբ ու 2386 տնտեսությամբ:

Ներքին Գետաշենը տարածվում է Սեւանա լճի հարավարևմտյան ափամերձ հատվածում, Արգիճի կամ Իշխանագետ գետի արեւելյան ու արեւմտյան ափերին, Արմաղան լեռան հյուսիսային կողմում: 2378 հեկտար մակերես ընդգրկող գյուղի տարածքում բազմաթիվ են պատմամշակութային հուշարձանները: Դրանց թվում են բրոնզ-երկաթեդարյան դամբարանները, միջնադարյան գերեզմանոցները, եկեղեցիները, շուրջ 700 խաչքար-տապանաքարերը, մատուռները, ջրաղացները և այլ պատմամշակութային հնավայրեր: /շարունակությունը էջ 4-ում/

ՄՈՐՈՒՔ ԿԱՐՈՑԻ ՎՐԵԺԸ
/Բնարաչափական պոեմ/

1943 թվականին թավրիզում հրավիրված խնջույքի սեղանի շուրջ անգլիացի սպան, հաշվի առնելով հայ ականավոր ֆիդայի Մորուք Կարոյի հալածանքը սովետական կառավարության ու չեկիստների կողմից, հայտնում ու պարծենում է, թե ինքն իր ձեռքով է Աղջակունայի ավազուտներում գնդակահարել հայ բուլշեիկ, Բաքվի 26 կոմիսարների դեկավար Ստեփան Շահունյանին: Բուլոր սեղանակիցներին թվում է, թե Մորուք Կարոն, այդ նորությունը լսելով, տեղից վեր կցատկի ու խանդավառված կհամբուրի անգլիացի սպայի ճակատը:



ՄՈՐՈՒՔ ԿԱՐՈ

Կարապետ Ավոյան

1875-1949

Ազգային գործիչ,

փառաբանված ֆիդայի:

Սակայն, ի զարմանս ու ի սարսափ նրանց, Մորուք Կարոն գրպանից հանում է ատրճաճակը և ցրիվ տալիս նրա գանգը՝ զոչելով.

«Ի՞նչ, դու իմ հայի՞ն ես գնդակահարել:

1

Մորուք Կարոյի մտքերն են թռչում
Սասունից թափին, այնտեղից՝ թավրիզ,
Հերթով, մեկանմեկ աչքին պատկերվում
Կռիվներն ահեղ, ընկերներն հերոս:
Կենաց կենացի վրա են խնում
Իր սեղանակից ընկերներն ինզիլիզ,
Հզոր ֆիդայի Չնգլիկ Պետուն,
Իշխաններ պարսից՝ սիրով, հուրընկալ:
Սեղանն առատ է, ու գինին էլ՝ թունդ,
Նոր գրույցներ են ամեն կենացին
Ծնվում, ծավալվում՝ աշխույժ, սրտամոտ,
Եվ հին հուշերն են ոգի, կյանք առնում...
Կարոն չի խոսում, չի լսում անգամ,
Հիշում է միայն իր կյանքը թափառ,
Գոյամարտերի արյունոտ ծամփան,
Հայրենի հողի կարոտը հզոր...
Գելիզուզանի սարերն է հիշում,
Նրանց լանջերի հոտերն արածող,
Իրենց տուն տանող քարքարոտ ծամփան,
Ու մոր ձեռքերը՝ խմոր գրտնկող:
Աղբյուր Սերոբի հայացքն է հիշում,
Հրայր Դոխթի խոսքերն իմաստուն,
Գեղորգ Զաուշի ծայնը առնական
Ու Անդրանիկի խոյանքը վսեմ...
Սասունցիների կռիվն է հուժկու
Արթնացած հոգին մեկեն փոթորկվում,
Լուռ ընկնում է նա գավաթը գինու,
Ձեռքը տրոփող քունքին մոտ տանում:
Մշուշի միջից տեսնում է իրեն
Չորապոնկի դիրքում կռվելիս,
Ամեն զարկի հետ անվրեպ խոցում,
Ենիշարներին մահի է տալիս:
Հրանոթների որոտի ներքո
Արկերն են հայոց դիրքերին պայթում:
Դիմակայում են մինչև երեկո
Թուրք ենիչերուն, քրդի խուժանին:
Երակների մեջ վրեժն է եռում,
Ցնցում վիրավոր հողը հայրենի:
Փոշին նստել է քրտնած ճակատին,
Անհագ ծարավն է կոկորդը խեղդում:
Բայց ինքնամոռաց կրակում է նա,
Ոսոխի ջարդից նոր ավյուն առնում:
Ցեխոտ, ճղճղված հագուստի վրա
Բաց վերքից արյան շիթն էր ներծծվում...
/շարունակությունը էջ 8-ում/

ՀՀ Գեղարքունիքի մարզի Մարտունի համայնքի ղեկավար Հովհաննես Հովսեփյանը հանրային կարծիքի ուսումնասիրման եւ գնահատման արդյունքում «Վարկանիշ» ընկերության կողմից անցկացվող «THE LEADER 2025» մրցանակաբաշխության շրջանակներում ճանաչվել է «ՏԻՄ ոլորտում երկարամյա արդյունավետ կառավարում» անվանակարգի հաղթող:

Մարտունի համայնքը ներառում է քաղաքային մեկ եւ գյուղական տասնվեց բնակավայրեր, որոնց զարգացումը, բարեփոխումները եւ ներդրումները համաչափ կերպով իրականացվում են բարձրացնելով բնակչության կենսապայմանները եւ կյանքի որակը...

Հովհաննես Հովսեփյանի կառավարման տարիներին էապես նկատելի է այն առաջընթացը, որ ապրել է Մարտունի համայնքը կենսագործունեության բոլոր ոլորտներում:

Բավական է ասել, որ վերջին երեք տարիների ընթացքում կառուցվել կան



հիմնանորոգվել են հարյուրավոր կիլոմետրերի հասնող ճանապարհներ, խմելու եւ ոռոգման ջրատարներ, լուսավորության ցանցեր, մի շարք դպրոցների ու մանկապարտեզների շենքեր, գրանցվում են մարզական ու կրթամշակութային հաջողություններ: Եվ այս ձեռքբերումներն արդյունք են Հովհաննես Հովսեփյանի երկար տարիների աշխատանքային փորձի, նվիրումի, սրտացավության ու հետեւողականության, ՀՀ կառավարության ու Գեղարքունիքի մարզպետի աշխատակազմի հետ ծրագրված, արդյունավետ համագործակցության: Մարտունու համայնքապետարանը Հովհաննես Հովսեփյանի ղեկավարությամբ 2025 թվականին եւս նախատեսվում է իրականացնել սոցիալ-տնտե-

սական ու կենսական նշանակության բազմաթիվ ծրագրեր, որոնց արդյունքում կշարունակեն բարելավվել բնակչության կենսապայմանները, կգործադրվեն նոր աշխատատեղեր, էական առաջընթաց կգրանցվի համայնքի կենսագործունեության ամենատարբեր ոլորտներում:

Հետզոռություն. «Գեղամա աշխարհ» թերթը «Վարկանիշ» ընկերության կողմից անցկացվող «THE LEADER 2025» մրցանակաբաշխության շրջանակներում «ՏԻՄ ոլորտում երկարամյա արդյունավետ կառավարում» անվանակարգում հաղթելու կապակցությամբ շնորհավորում է Մարտունի համայնքի ղեկավար Հովհաննես Հովսեփյանին ու Մարտունու համայնքապետարանի աշխատակազմին, մաղթում քաջառողջություն, աշխատանքային անսպառ եռանդ ու նորանոր հաջողություններ եւ ձեռքբերումներ ի շահ Մարտունի համայնքի ծաղկման ու հզորացման:

«Գեղամա աշխարհ»

ԳԵՂԱՐՔՈՒՆԻՔԻ ՄԱՐԶԸ ՀԱՄԱՀԱՅԿԱԿԱՆ ԶՄԵՌԱՅԻՆ ԵՐԿՐՈՐԻ ԽԱՂԵՐԻՆ ՄԱՍՆԱԿՑԵԼ Է 17 ՄԱՐԶԻԿՆԵՐՈՎ



Գեղարքունիքի մարզը Համահայկական ձմեռային երկրորդ խաղերին մասնակցեց 17 մարզիկներով՝ շախմատ եւ սպորտային պարեր մարզաձևերից:

Ինչպես տեղեկացրին Գեղարքունիքի մարզպետի աշխատակազմի ԿՄՍ վարչությունից, Ջերմուկում փետրվարի 1-ին կայացած Համահայկական ձմեռային երկրորդ խաղերի բացման հանդիսավոր արարողությունը մասնակցել է նաեւ ՀՀ Գեղարքունիքի մարզի պատվիրակությունը՝ Գեղարքունիքի մարզպետ Կարեն Սարգսյանի ղեկավարությամբ:

Գեղարքունիքի մարզի 41 պատվիրակներից 17-ը մարզիկներ էին, որոնք խաղերի ընթացքում չորս տեղը:

Համահայկական երկրորդ խաղերին մասնակցեցին ավելի քան 1340 պատվիրակ՝ աշխարհի 18 պետությունների 88 քաղաքներից:

պարեր մարզաձևերում:

Մեր մարզիկներից լավագույն արդյունքը ցույց է տվել ճամբարակ համայնքի բնակիչ, շախմատիստ Գարիկ Մարտիրոսյանը՝ գրավելով 5-րդ տեղը:

ԱՐՑԱԽԻՅ ԲՈՒՆԻ ՏԵՂԱՀԱՆՎԱԾ ԲԱԶՄԱՇՈՒՆՉ ԸՆՏԱՆԻՔԸ ԲՆԱԿԱՐԱՆԱՄՈՒՑ Է ՆՇԵԼ



Արցախի Մարտակերտի շրջանից 2023 թվականին բռնի տեղահանված եւ Գեղարքունիքի մարզի Վարդենիս համայնքի Մեծ Մասրիկ գյուղում վարձով ապրող Մարտին Գրիգորյանի ընտանիքը բնակարանամուտ է նշել Վարդենիս քաղաքի բազմաբնակարան շենքերից մեկում, ԱՄՆ «Փարոս» հիմնադրամի միջոցներով:

Ինչպես տեղեկացրին Վարդենիսի համայնքապետարանի աշխատակազմից, բնակարանի բանալիներն անձամբ հանձնել է «Փարոս» հիմնադրամի տնօրեն Փիթեր Աբաջյանը:

Մարտին Գրիգորյանը Արցախից Վարդենիս է բռնագաղթել իր կնոջ ու երեք երեխաների հետ միասին, իսկ չորրորդ երեխան ծնվել է Հայաստանում, 2024 թվականի նոյեմբերին:

«Փարոս» հիմնադրամը բազմաբնակարան շենքում գնել, հիմնանորոգել ու բոլոր հարմարություններով կահավորել է 3 սենյականոց բնակարան ու այն հանձնել շահառու ընտանիքին: Չորս երեխաներից երկուսը դպրոցական են:

Մարտին Գրիգորյանն աշխատանք է գտել Վարդենիսի էլցանցում, իսկ նրա կին Նուբարը զբաղված է երեխաների խնամքով:

«Գեղամա աշխարհ»

ՇԱՀԱԳՈՐԾՄԱՆ Է ՉԱՆՁՎԵԼ Մ-4 ՄԱՅՐՈՒՂԻՆ ԾՈՎԱԳՅՈՒՆԻՆ ԿԱՊՈՂ ԿԱՄՈՒՐՋԸ

Արդեն մի քանի օր է, ինչ շահագործման է հանձնվել Մ-4 մայրուղին Գեղարքունիքի մարզի Սեւան համայնքի Ծովագյուղ բնակավայրին կապող կամուրջը:

Ինչպես տեղեկացրին Գեղարքունիքի մարզպետի աշխատակազմի քաղաքաշինության, հողաշինության եւ ենթակառուցվածքների կառավարման վարչությունից, Ծովագյուղի կամրջի շինարարական աշխատանքները մեկնարկել են 2023 թվականի վերջերից եւ ավարտի հասցվել 2024 թվականի վերջին: Մ-4-Ծովագյուղ հին կամուրջը քայքայվել էր՝ կորցնելով շահագործման պիտանիությունը, այդ պատճառով էլ որոշվել էր կառուցել նոր, միաթիւղ կամուրջ՝ 28 մետր երկարությամբ ու 10 մետր լայնությամբ, հետիոտնի համար մայթերով: Կամրջի շինարարության պայմանագրային արժեքը կազմել է 328,8 միլիոն դրամ, որն ամբողջությամբ հատկացվել է պետությունից՝ միջոցներից: Շինարարությունն իրականացրել է «Ծովագյուղի ճՇՇ» ՍՊԸ-ն:

«Գեղամա աշխարհ»



ՎԱՐԱԶԳՆԱՆ ՀԱՄԱՐՅԱՆԸ «ՀՀ ԴՅՈՒՑԱԶՆԱԳՐԻ» ՇԵՐՈՒՄԻՆ ՈՒՆԿՈՐԻՆ Է ՍԱՀՄԱՆԵԼ



Գեղարքունիքի մարզի Սեւան համայնքի մարզիկ, ուժային եռամարտիկ, միջազգային բազմաթիվ մրցաշարերի հաղթող, «Դյուցազնագրի» բազմակի ռեկորդակիր Վարազդատ Հակոբյանը հերթական երկու ռեկորդներն է սահմանել:

Ինչպես տեղեկացրեց «ՀՀ Դյուցազնագրի» հիմնադիր նախագահ Վարդան Թովմասյանը՝ օրերս Վարազդատ Հակոբյանը երեք հատ թենիսի գնդակը ձեռքերի վրա պտտել է 5 անգամ՝ միաժամանակ կբանստել է աջ ոտքով՝ ձախ ոտքը վերել պարզած եւ գնդակներից մեկը, առանց բասկետբոլի գամբյուլին նայելու, զգել՝ գամբյուլը: Իսկ երկրորդ ռեկորդը սահմանել է հետեւյալ կերպ. 4 հատ բասկետբոլի գնդակները շրջված վիճակում, մի քանի մետր հեռավորից նետել է դեպի գամբյուլը, որոնցից 3-ը հայտնվել են գամբյուլի մեջ: Ռեկորդները գրանցվել են Սեւան համայնքում:

«Գեղամա աշխարհ»

ԳԵՂԱՐՔՈՒՆԻՔԻ ԵՐԿՐԱԳԻՏԱԿԱՆ ԹԱՆԳԱՐԱՆՈՒՄ ԱՆՅԱՍԱՐԱՆՑ ԳՊՀ ՀԻՄՆԱԴԻՐ ՌԵԿՏՈՐ ՀՐԱՆՏ ՀԱԿՈԲՅԱՆԻՆ ՆՎԻՐՎԱԾ ՀՈՒՇ-ՑՐԵԿՈՒՅԹ

Գեղարքունիքի երկրագիտական թանգարանում անցկացվեց Գավառի պետական համալսարանի հիմնադիր ռեկտոր, փիլիսոփայական գիտությունների դոկտոր, պրոֆեսոր Յրանտ Հակոբյանին նվիրված հուշ-ցերեկույթ:

Թանգարանում 2012 թվականից բացվել է փիլիսոփայական գիտությունների դոկտոր, պրոֆեսոր, ՀՀ վաստակավոր մանկավարժ, Գավառի պատվավոր քաղաքացի, ԳՊՀ հիմնադիր ռեկտոր Յրանտ Հակոբյանին ներկայացնող մշտական ցուցադրությունը: Իսկ հերթական հուշ-ցերեկույթի շրջանակում բացվեց նոր ժամանակավոր ցուցադրությամբ, որով ներկայացնում են Յրանտ Հակոբյանին շնորհված պարգևները:

Հուշ-ցերեկույթին մասնակցեցին Գավառի պետական համալսարանի պրոֆեսորադասախոսական անձնակազմը, թանգարանի աշխատակիցները, Յրանտ Հակոբյանի ընտանիքի անդամները, նրան աշակերտած մարդիկ ու գործընկերները: Յրանտ Հակոբյանի կյանքն ու գիտամանկավարժական եւ հասարակական գործունեության մասին զեկուցում ներկայացրեց Գեղարքունիքի երկրագիտական թանգարանի գիտաշխատող Մանյա Չարվադարյանը:

«Մանկավարժական եւ դասախոսական աշխատանքը մեկտեղվում է չընդհատվող ուսումնառության հետ: Որպես մշտապես կրթվող մարդ՝ Յրանտ Հակոբյանը կարողանում էր ճիշտ գնահատել սովորողների պահանջներն ու կարիքները, ինչը հանգեցնում է բարեփոխումների այն ուսումնական հաստա-



տություններում, որտեղ նա դասավանդում է: Այս հանգամանքն անցկատ չի մնում եւ արժանի գնահատական է ստանում: Յրանտ Հակոբյանի գործունեության պսակը, սակայն, դառնում է հայրենի եզերքում բարձրագույն ուսումնական հաստատության հիմնադրումը, որը նաեւ նրա վաղեմի երազանքի իրականացումն էր»,- ներկայացրեց զեկուցողը:

Ցերեկույթի բանախոսին շարունակեցին եւ նրա հաղորդած տեղեկությունները լրացրին Յրանտ Հակոբյանին ճանաչող, նրա հետ լավ եւ դժվարին օրեր ապրած, նրա կյանքն ու գործն արժեւորող մարդիկ Գավառի պետական համալսարանի ռեկտոր Ռուզաննա Հակոբյանը, Սարուխանի թիվ 1 միջնակարգ դպրոցի տնօրեն Հայկ Մուրոյանը, Գավառի պետական համալսարանի դասախոս Համլետ Ղաջոյանը, մանկավարժ, Հայրենական մեծ պատերազմի վետերան Մեխակ Ավետիսյանը:

Յրանտ Հակոբյանին նվիրված ցերեկույթն ուղեկցվեց Գավառի Հենրիկ Թալալյանի անվան երաժշտական դպրոցի ուսուցիչ Շահեն Շոյանի, Նրա դուստր Էլեն Շոյանի, Երեւանի Կոմիտասի անվան պետական կոնսերվատորիայի ուսանողուհի Լիլյա Հովհաննիսյանի, «Հայրենի երգ» ժողովրդական ստուդիայի սան Ալեն Գոքոյանի գեղարվեստական կատարումներով:

«Գեղամա աշխարհ»

ԲԱՐԻ ՀՍԿԱՆ



Մեծ էր ցանկությունս՝ օրերս ներկա գտնվել Գեղարքունիքի երկրագիտական թանգարանում պրոֆեսոր Յրանտ Հակոբյանի գիտամանկավարժական

գործունեությանը նվիրված ցուցադրության բացման արարողությանը: Ցավոք, չկարողացա: Ես այն սակավաթիվ մարդկանցից եմ, ով ճանաչում է նրան համակողմանիորեն: Միասին՝ սկսած աշակերտ-տնօրեն, այնուհետեւ ուսանող-դասախոս, զուգահեռաբար մասնագիտական կարիերա ենք կառուցել, միայն այն տարբերությամբ, որ նա առաջնորդ էր, ես՝ հետեւորդ: Առաջխաղացման իմ ճանապարհին անցել եմ հետեւելով Յրանտ Հակոբյանին: Նա, որպես մտածող ու նորարար մարդ, բոլոր գործողություններում էր ինքնատիպ, որովհետեւ նրա շարժիչ ուժը տաղանդն էր: Սովորական մարդկանցից, մեզնից տարբերվում էր բոլորովին ուրիշ, ավելի լավ, օգտավետ ու ավելի ճշմարիտ, ազգային արժեհամակարգով: Նրա մարդկային բարձր որակները ներկայացնելիս չենք կարող չօգտագործել ԲԱՑԱՌԻԿ ածականը:

Յրանտ Հակոբյանը, որպես գիտնական, նոր ու խորը, միաժամանակ, լայն

ակոս է բացել հետազոտական բոլոր ոլորտներում անցնելով դեռեւս չտրորված բազում ճանապարհներ (բավական է հիշել միայն տվյալ ժամանակի կտրվածքում նրա համարձակ հետազոտությունները՝ նվիրված Բաֆֆու ստեղծագործություններին):

Յրանտ Հակոբյանը, որպես ուսուցիչ-մանկավարժ, նորարար է, շիտակ, ուղղախոս ու բացառիկ բարի՝ իր շուրջը համախմբելով երիտասարդ ասպիրանտներին, աջակցելով նրանց գիտական հետազոտություններում:

Յրանտ Հակոբյանը, որպես կրթության կազմակերպիչ, բացարձակ անսխալ եւ արհեստավարժ, Գավառի Պետական համալսարանը կայացրեց մի քանի տարում՝ իր վրա վերցնելով պետության գործառնությունները:

Որպես ընկեր, բացառիկ հավատարիմ եւ կարեւոր խորհրդատու էր, որպես հայր, ամուսին, մեծ պապ՝ բացառիկ հոգատար, անմնացորդ նվիրումով, որպես բարեկամ, բացառիկ սրտացավ ու ձեռք մեկնող:

Որպես հայ մարդ՝ բացառիկ հայրենասեր ու ազգամկեր, որպես բայազետցի՝ բացառիկ աջակցող, պատրաստական, թասիբով ու պատվախնդիր, հոգատար ու ջերմ բնականոն զգացողությամբ:

դությամբ:

Հասարակական միջավայրում, առօրյա աշխատանքում այն տպավորությունն էր թողնում, կարծես թե ուսանել է աշխարհի ամենաբարձր վարկանիշ ունեցող համալսարաններում, այնինչ՝ իր բնատուր ունակություններով ամեն բան ձեռք էր բերել ինքնակրթությամբ եւ աշխատասիրությամբ, գիրքը նրա անբաժան ուղեկիցն էր: Բնությունը շատ շռայլ էր գտնվել նրա նկատմամբ՝ օժտել էր տաղանդով եւ կատարելության աստիճանի հասած շքեղ, առիքնորդ արտաքինով: Նրա տեսակն իսկապես դասական է՝ արժանի ընդօրինակման: Վստահ եմ, որ թանգարանում ներկայացված հակոբյանական հոգեւոր ժառանգությունը նոր սերնդի համար շարունակ ուղեցիկ է հանդիսանալու՝ ձգտել լինել կատարյալ, ինչպես Յրանտ Խաչատուրի Հակոբյանն էր:

Նա այն քիչ մարդկանցից էր, ով կռիվ չունեւ բնության հետ, խաղաղ ու ներդաշնակ համագործակցում էր Աստծո հետ:

Սուրեն Օհանյան
Աշխարհագրական գիտությունների
դոկտոր, պրոֆեսոր

ՄԱՐՈՒԽԱՆԻ ԹԻՎ ՄԵԿ ՄԱՆԿԱՊԱՐՏԵԶՆ ԱՅՍՈՒՀԵՏ ԿՐՈՒՄ Է ԱՌԱՋԻՆ ՏՆՈՐԵՆ ԼԱՌԻՐԱ ՄԱՆՈՒԿՅԱՆԻ ԱՆՈՒՆԸ



Գեղարքունիքի մարզի Գավառ համայնքի Սարուխան գյուղի թիվ մեկ մանկապարտեզն այսուհետ կրում է նույն հաստատության առաջին ու երկարամյա տնօրեն, երջանկահիշատակ Լաուրա Մանուկյանի անունը:

Սարուխանի բնակիչների խնդրանքով կազմվել է նախաձեռնող խումբ՝ վարչական ղեկավար Լյուսյա Աբրահամյանի գլխավորությամբ, այնուհետ Գավառ համայնքի ղեկավար Գուրգեն Սարտիրոսյանին ներկայացվել է նախաձեռնող խմբի դիմումը, որն արժանացել է համայնքի ղեկավարի հավանությանը եւ ներկայացվել ավագանու հաստատմանը:

Գրողների միության Գեղարքունիքի մարզային բաժանմունքի ղեկավար Տիգրան Նիկողոսյանի եւ Սարուխանի բնակիչների մասնակցությամբ Սարուխանի մշակույթի տանը տեղի է ունեցել միջոցառում:

Միջոցառմանը մասնակցել են նաեւ Գավառ համայնքի ղեկավարի առաջին տեղակալ Գրիգոր Դաշտոյանը, համայնքի ղեկավարի տեղակալ Գրիգոր Բոշյանը: Միջոցառումն ուղեկցվել է ելույթներով եւ գեղարվեստական կատարումներով:

Ավարդ Մանուկյան

ՄԵՎԱՆՅԻ ԾԱՆՐԱՄԱՐՏԻԿՆԵՐԸ ՄԵԿ ՈՍԿԵ ԵՎ ՄԵԿ ԱՐԾԱԹԵ ՄԵԴԱԼ ԵՆ ՆՎԱՃԵԼ ԾԱՆՐԱՄԱՐՏԻ ՄԵԾԱՀԱՄԱԿՆԵՐԻ ՀԱՆՐԱՊԵՏԱԿԱՆ ԱՌԱՋՆՈՒԹՅՈՒՆՈՒՄ

Օրերս կայացավ ծանրամարտի ՀՀ մեծահասակների առաջնություն, որին մասնակցեցին նաեւ Սեւան համայնքի Ն. Դազարյանի անվան մանկապատանեկան մարզադպրոցի ծանրամարտիկներ Ալինա Սուքիասյանը եւ Հովհաննես Հովհաննիսյանը:

Ինչպես տեղեկացրեց Սեւանի Ն. Դազարյանի անվան մանկապատանեկան մարզադպրոցի ծանրամարտի մարզիչ Գառնիկ Աբրահամյանը, սեւանցի մարզիկները տուն են վերադարձել մեկ ոսկե եւ մեկ արծաթե մեդալ նվաճած:

Աղջիկների մրցապայքարում 76 կիլոգրամ քաշային կարգում Ալինա Սուքիասյանը պոկել է 80, իրել 86 կիլոգրամ եւ երկամարտի 166 կիլոգրամ արդյունքով գրավել առաջին հորիզոնականը:

Տղամարդկանց մրցապայքարում Հովհաննես Հովհաննիսյանը 73 կիլոգրամ քաշային կարգում պոկել է 110 եւ իրել 140 կիլոգրամ՝ երկամարտում ապահովելով



250 կիլոգրամանոց արդյունք եւ նվաճելով արծաթե մեդալ:

Սեւանցի մրցանակակիր ծանրորդներն ընդգրկվել են Հայաստանի ծանրամարտի հավաքականի կազմում եւ առաջիկայում կմասնակցեն միջազգային հերթական մրցաշարերին:


ԳԵՂԱՐՔՈՒՆԻՔԻ ՄԱՐԶԻ ԲՈՒԺՀԻՄՆԱՐԿՆԵՐՈՒՄ 2025 ԹՎԱԿԱՆԻ ԱՌԱՋԻՆ ԱՄՍԻՆ ԳՐԱՆՑՎԵԼ Է 97 ԾՆՈՒՆԻ

Գեղարքունիքի մարզի բուժհիմնարկներում 2025 թվականի հունվարին լույս աշխարհ են եկել 97 երեխա՝ 56 տղա եւ 41 աղջիկ:

Ինչպես տեղեկացրին Գեղարքունիքի մարզպետի աշխատակազմի առողջապահության եւ սոցիալական հարցերի վարչությունից, 44 երեխա ծնվել է Մարտունու ծննդատնում:

դատանք, 24-ը՝ Սեւանի, 20-ը՝ Գավառի, 7-ը՝ Վարդենիսի բժշկական կենտրոններում, 2-ը՝ ճամբարակի առողջության կենտրոնում:

2024 թվականի հունվար ամսին Գեղարքունիքի մարզի բուժհիմնարկներում գրանցվել է 126 ծնունդ:



Իշխանական սայլ

Ներքին ԳԵՏԱՇԵՆԻ «ԴԵՄԵՐ» ԴԱՍԲԱՐԱՆԱԳԱՇԻ ԽՈՐՀՐԴԱՎՈՐ ԳԱՂՏԻՔՆԵՐԸ

Միջոցառում (9 - 17-րդ դարեր) այն անվանվել է Կոթ ու Սյունյաց Գրիգոր Սուփան իշխանի ու նրա հաջորդների օրոք համարվել իշխանական բնակավայր։ Ներքին Գետաշենի պատմամշակութային մեծաթիվ արժեքների մեջ բացառիկ ու անկրկնելի է Իշխանագետի արեւելյան կողմի բարձունքի վրա վեր խոյացող հռչակավոր Կոթավանքը, որը կառուցվել է 9-րդ դարում, Սյունյաց Վասակ Գաբուռն իշխանի որդի Գրիգոր Սուփանի կողմից։ Այն համարվում է միջնադարյան հայ ճարտարապետության գլուխգործոցներից մեկը։ Կոթավանքն իր ժամանակին համարվել է նշանավոր դպրանոց, իսկ իր անառիկ ու բարձր դիրքի շնորհիվ նաեւ պաշտպանական դեր է կատարել բնանական ներխուժումների ժամանակ։ Կոթավանքի շրջակայքում, նշանավոր մյուս եկեղեցու՝ Սուրբ Գրիգոր Լուսավորիչ եկեղեցու պատերի մեջ ու ներսում գտնված հարյուրավոր տապանաքար-խաչքարերը եւս դասվում են հայ դեկորատիվ-կիրառական արվեստի գլուխգործոցների շարքում։

Ի դեպ, ինչպես վկայում է միջնադարյան հայ նշանավոր պատմիչ, եկեղեցական հայտնի գործիչ Ստեփանոս Օրբելյանը, Կոթ քաղաքը Գեղարքունիք գավառի հարյուրից ավել բնակավայրերի մեջ եղել է Տաթևի վանքի ամենախոշոր հարկատու բնակավայրը՝ 20 չափաբաժնով, ինչը նշանակում է, որ միջին դարերում էլ այն եղել է վաճառաշահ, բազմամարդ ու ծաղկուն, ռազմավարական կարևոր նշանակության բնակավայր։

Այսպիսի հարուստ մարգագետինները նպաստել են անասնապահության ու մեղվաբուծության զարգացմանը։ Իշխանագետի ու Սևանա լճի մշտառատ ձկնապաշարը ևս գրավիչ է եղել բնակչության համար։ Սակայն Ներքին Գետաշենի հարատևելը ընթացքի ու կենսունակության գլխավոր լծակը նրա աշխարհագրական դիրքն է, միջազգային քարավանային ճանապարհների խաչմերուկում գտնվելու բախտավորությունն ու դժբախտությունը։ Բախտավորություն կարել է համարել այն, որ միջազգային առևտրի շնորհիվ բնակավայրը ծաղկման ու զարգացման մեծ հնարավորություններ է ունեցել, իսկ դժբախտություն կարելի է համարել այն, որ այստեղով անցել են ոչ միայն արեւմուտքից արեւելք ու հարավից հյուսիս եկող-գնացող առևտրական ու քարավանային ճանապարհները, այլ նաեւ դաժան ու ագահ նվաճողների գիշակեր բանակները, որոնք իրենց հետեւից սփռել են միայն մահ ու ավեր։

Իրավամբ, Ներքին Գետաշենի պատմության ու նրա պատմամշակութային հուշարձանների բովանդակությունը

թաղվել է հողի հաստ շերտի տակ, եւ դրանք առ այսօր հայտնաբերման, պեղման, համակողմանի ուսումնասիրման ու հավաստի մեկնաբանման կարիք ունեն։

Այժմ կփորձենք մեկ հողվածի շրջանակներում ամբողջացնել Ներքին Գետաշենի «Դեմեր» դամբարանադաշտում կատարված հնագիտական պեղումների եւ ուսումնասիրությունների համառոտ արդյունքները։

«Դեմեր» հանդամասը, որն այսօր արդեն վերածվում է բնակեցված մի մեծ թաղամասի, գտնվում է Ներքին Գետաշեն գյուղի հյուսիսարեւմտյան կողմում, Երեւան-Մարտունի-Վարդենիս ավտոմայրուղու աջ թևում, Լիճք գյուղի հետ սահմանաբաժանում։ Մի քանի հեկտար տարածքի վրա, դեռեւս անցած դարի 1980-ական թվականներին, այստեղ խիտ շարքերով, իրար բավականին մոտիկ բարձրանում էին շրջանածու շարվածքով ու մեծ չափերի դամբարանները, որոնց տեղում այժմ զբաղեցնում են ժամանակակից շինությունները, իսկ նրանց կողքերում տեղտեղ նկատելի են բաց դամբարանների հետքերը։

Այդ դամբարանադաշտում ժամանակին կառուցված են եղել հարյուրավոր քարաշար դամբարաններ, որոնք վերաբերում են մ.թ.ա. 21 – 8-րդ դարերին, ինչը հստակ փաստում է, թե որքան խիտ բնակչություն է ունեցել Սևանա լճի ավազանի հարավային հատվածն ու Արգիճի կամ Իշխանագետի հովիտը։

«Դեմեր» դամբարանադաշտում 1905-1906 թվականներին նախնական պեղումներ է իրականացրել հայ մեծանուն հնագետ – ազգագրագետ Երվանդ Լալայանը։ 1988- 1990 թվականներին «Դեմեր» դամբարանադաշտում պեղումներ է իրականացրել ՀՀ ԳԱԱ Հնագիտության և ազգաբնության ինստիտուտի հնագիտական արշավախումբը Աշոտ Փիլիպոսյանի ղեկավարությամբ՝ շուրջ 50 դամբարաններից դուրս բերելով հնագիտական կարևոր արժեքներ կապացնող բազմաթիվ նյութեր։ Պեղումների պատվերն իջեցվել էր պետության կողմից, քանի որ այդ տարածքում նախատեսված էր կառուցել երկաթբետոնյա կոնստրուկցիաների գործարան, որը պետք է զբաղեցներ դամբարանադաշտի հիմնական հատվածը։ Հնագիտական հույժ կարևոր արժեքները փրկելու համար էլ պետությունը հոգաց պեղումների ողջ ծախսերը։ Աշոտ Փիլիպոսյանի վկայությամբ՝ Պեմերի դամբարաններից դուրս են բերվել բավականաչափ խեցեղեն, բրոնզե ու երկաթե կենցաղային իրեր, գեղեցիկ, պերճաքանի առարկաներ, մարդկանց ու կենդանիների ոսկորներ և այլ նյութեր։ Պեղված նյութերի ուսումնասիրությունները փաստել են, որ

սույն դամբարանադաշտը գործել սկսել է Քրիստոսից առաջ 21-րդ դարից մինչև Քրիստոսից առաջ 8-րդ դարը, մինչև 4-րդի թագավորության նվաճումները Սեւանա լճի ավազանում։ Այդ ուսումնասիրությունների արդյունքներն առաջիկայում կհարատարկվեն առանձին գրքով ու կդառնան հանրության սեփականությունը։

Տողերիս հեղինակին ժամանակին բախտ է վիճակվել՝ ներկա գտնվելու դամբարաններից մեկի բացմանը եւ հարցազրույց վարելու պե-

ղող հնագետի հետ։ Բացված դամբարանից գտնվել էին 27 երիտասարդ տղամարդկանց կմախքներ՝ բոլորը ջախջախված գանգերով։ Հնագետի եզրակացությամբ՝ տվյալ դեպքում մենք գործ ունենք միջցեղային բախումների արդյունքում սպանված ռազմիկների կամ անձանց հետ։

Բացվել են նաեւ մեծատոհմիկների դամբարաններ, որտեղ բարձր դասի մարդկանց կողքին թաղված են եղել նաեւ նրանց ընտանիքների անդամները, սպասավորները, պաշտամունքի առարկա հանդիսացող ընտանի կենդանիները։ Դամբարաններից դուրս բերված հնագիտական նյութերը հստակ պատկերացում են տալիս նաեւ վերոնշյալ դարաշրջաններում Սեւանա լճի ավազանում բնակվող մարդկանց զբաղմունքի, կենցաղավարության, հավատալիքների, դասակարգային ու միջցեղային հարաբերությունների, արհեստների, ծեսերի ու սովորույթների մասին։

Իսկ «Դեմերի» դամբարանների առաջին պեղող հնագետը հայ իրականության մեջ եղել է Երվանդ Լալայանը՝ մեզանից շուրջ մեկ դար առաջ լույս աշխարհի հանելով հնագիտական ու պատմագիտական նշանակության չափազանց կարևոր արժեքներ։ Պեղումների արդյունքները ներկայացված են հեղինակի «Դամբարանների պեղումները Խորհրդային Հայաստանում» գրքում։ Անվանի հնագետն այս դամբարանադաշտում պեղել է ինճ դամբարան իր կողմից թվագրված հինգերորդ, ութերորդ, տասներորդ, տասներկուերորդ ու տասնյոթերորդ դամբարանները։

Հինգերորդ դամբարանի տրամագիծը եղել է 8 մետր, բարձրությունը՝ 1,5 մետր։ Այն ունեցել է շրջանածու քարապատ շարվածք։ Գերեզմանն ուղղված է եղել հյուսիսից հարավ՝ շրջապատված անտաշ քարերով եւ 2 սալաքարով ծածկված։ Գերեզմանի երկարությունը կազմել է 2,10, լայնությունը՝ 1,6, խորությունը՝ 1,2 մետր։ Դրա մեջտեղում գտնվել է մի երկարագլուխ կմախք՝ մոտու մի բրոնզե դաշույն, ոտքի եւ թևի երկուական ապարանջան, շուրջը պազած վիճակում, 19 երկարագլուխ կմախք, որոնցից երկուսը՝ երեսնային։ Երեք կմախք էլ գտնվել է անկանոն կերպով ընկած վիճակում՝ թևի ոսկորները եւ գանգերը կտրատված վիճակում։ Այդ կմախքների վրա բավականաչափ բրոնզե մատանիներ, ուլունքներ եւ ապարանջաններ են գտնվել։

Ութերորդ դամբանի տրամագիծը եղել է 7, բարձրությունը՝ 2 մետր։ Գազաթը եղել է տափակ, քարերի շրջանածու պատվածքով։ Գերեզմանն ուղղված է եղել հյուսիսից հարավ՝ պատված անտաշ քարերով եւ ծածկված երկու մեծ քարերով։ Երկարությունը եղել է 2,3, լայնությունը՝ 1,7, խորությունը՝ 1,3 մետր։ Գերեզմանի մեջտեղում, հյուսիսից հարավ, պառկած է եղել մի երկարագլուխ կմախք, որի վրա գտնվել է մի բրոնզե գոտի, բրոնզե երկու ապարանջան եւ մի մանյակ։ Այդ կմախքի մոտ եղել է նաեւ կանացի երկարագլուխ կմախք, որի վրա գտնվել է երկու բաղանջան պանդուկ եւ բոժոժ։

Տասներորդ դամբանի տրամագիծը եղել է 13, բարձրությունը՝ 1,5 մետր՝ հարթ գազաթով, շուրջանակի մեծ քարերով պատված։ Գերեզմանն ուղղված է եղել հյուսիսից հարավ՝ պատված անտաշ քարերով եւ ծածկված երկու մեծ սալաքարով։ Երկարությունը եղել է 2,4, լայնությունը՝ 1,8, խորությունը՝ 2 մետր։ Գերեզմանի մեջտեղում, երեսներին իրար դարձրած, հյուսիսից հարավ, պառկած են եղել երկու կմախք, որոնց մոտ գտնվել են բրոնզե մի փոքրիկ ու վանակատե երկու դանակ։ Սրանց սնարի մոտ գտնվել է գորշուկի կմախք, որի մոտ պառկած դրոթյամբ գտնվել է մի ձիու եւ էլի մի գորշուկի կմախք ու մի հորթի գլուխ։


Տասներկուերորդ դամբանի տրամագիծը եղել է 13, բարձրությունը՝ 1,5 մետր, հարթ գազաթով, քարերի շրջանածու շարվածքով պատված։ Գերեզմանն ուղղված է եղել հյուսիսից հարավ՝ պատված անտաշ քարերով եւ երեք սալերով ծածկված։ Գերեզմանի հյուսիսարեւմտյան անկյունում, պազած վիճակում, գտնվել է մի երկարագլուխ մարդու կմախք՝ մեջքին մի դաշույն, թևին ապարանջան, կողքին եր-

կու պուլիկ։ Գերեզմանի հարավային կողմում միմյանց վրա թափված են եղել մարդկային 3 կմախք, որոնց գանգերը եղել են ներքեւում, ոտքերը՝ վերեւում։

Լալայանի ենթադրությամբ՝ այդ դեմերը, հավանաբար, բռնի կերպով են իջեցվել գերեզման, քանի որ այդ կմախքներից մեկի միջից բրոնզե մի մետ է գտնվել։

Սակայն ամենահետաքրքրական ու ծանրակշիռ, հարուստ նյութերն ապահովել են տասնյոթերորդ դամբանի պեղումները։ Սրա տրամագիծը եղել է 18, բարձրությունը՝ 0,5 մետր՝ շրջանածու պատված մանր քարերով։ Գերեզմանը եղել է քառանկյունի, արեւելքից արեւմուտք ուղղված չորս կողմն անտաշ քարերով շարված ու յուրաքանչյուր անկյունում փայտե մի սյուն կանգնեցրած։ Երկարությունը եղել է 3,2, լայնությունը՝ 2,5, խորությունը՝ 3,3 մետր։ Գերեզմանն ամբողջովին լցված է եղել հողով ու ծածկվել 3 մետ սալաքարերով։

«Երեք կողմի պատերը համեմատաբար բարձր էին, իսկ չորրորդինը, արեւ-



Սայլի զարդանկար

ելյանը, փոքր-ինչ ցածր ու ոչ այնքան կանոնավոր շարված, այնպես որ, կարելի է ենթադրել, թե մեջեցյալներին թաղելուց հետո է հապճեպ կերպով շարված։ Այս գերեզմանի մեջ, երկարությամբ, գտնվեց ամբողջովին փայտից շինված մի սայլ, որը կտրտված է անկանոն կերպով ընկած վիճակում՝ թևի ոսկորները եւ գանգերը կտրատված վիճակում։ Այդ կմախքի վրա կար մի վարսակալ, մեջքին մի լայն գոտի, վրան մի մեծ եւ մի փոքր դաշույն, մի ածելի եւ մի գավաթ, աջ ձեռքին մի ապարանջան և մի մատանի։ Կողքին դրված էր մի գալիսոնի գլուխ, իսկ աջ ձեռքին ուներ մի երկժանի։ Այս բոլորը, ինչպես եւ այս դամբանի մեջ գտնված մյուս բոլոր իրերը, բրոնզից էին, ու երկաթի ոչ մի հետք չկար։ Այս իշխանական կառքի շուրջը անկանոն կերպով ընկած էին 13 մարդկային կմախք, որոնցից շատերի գանգերը ներքեւում էին, իսկ ոտքերը՝ վերեւում։ Մի քանի ոսկորներ էլ կտրտված էին։ Պարզ է, որ դրանք վերելից էին ձգված գերեզմանի մեջ։ Այս 13 կմախքների վրա գտնվեցին միայն 30 մատանի, բրոնզե մի օղ, իսկ մյուս կտրտված ոսկորի վրա՝ բրոնզե 3 ապարանջան։ Մասամբ սայլի վրա, մասամբ էլ սայլի շուրջը շարված էին 18 մետ ու փոքր ամաններ։

Սայլի գլխի մոտ, գերեզմանի արեւմտյան կողմում, բացվեցին եզան չորս կմախք, որոնք, հետեւապես, լծված են եղել այդ դիակառքին։ Սայլի լծի մոտ, երեսի վրա, ընկած էր մի երկարագլուխ մարդու կմախք, որը, հավանորեն, սայլապատերը, զարգացման ինչ մակարդակի վրա է գտնվել մարդկային կյանքը բրոնզեդարյան ու նրան հաջորդող ժամանակաշրջաններում։


Սայլի հյուսիսային կողմը, անիվին մոտ, գտնվեց մի վարագից գանգ և նրա կմախքի մի մասերը, նկարագրում է Լալայանը։

Այնուհետ հնագետը ներկայացնում է իր հայտնագործության ու ուսումնասիրության արդյունքները, համոզելով ու փաստելով, թե այս մեկ սայլի օրինակով մեր նախնիների կյանքում ինչպես են իրար հետ համատեղվել արհեստներն ու արվեստները, զարգացման ինչ մակարդակի վրա է գտնվել մարդկային կյանքը բրոնզեդարյան ու նրան հաջորդող ժամանակաշրջաններում։

/շարունակությունը էջ 5-ում/



Պեղված դամբարան



ԾՈՎԻՆԱՐԻ ԱՐՁԱՆԱԳՐՈՒԹՅԱՆ ՊԱՏՄԱԳԻՏԱԿԱՆ ԲԱՑԱՌԻԿՈՒԹՅՈՒՆԸ



/Սկիզբը՝ նախորդ համարում/

Նիկողայոս Աղոնցն իր կոթողային «Հայաստանի պատմություն» երկասիրության մեջ հիշատակելով Օծաբերդի արձանագրությունը՝ սխալմամբ այդ երկրների անունները նույնականացնում է որպես թագավորների անուններ, ինչը ոչ ճիշտ թարգմանության արգասիք է. «Սարգստի հաջորդ Ռուսան ամրապնդեց Սեւանա լճի ափին տեղադրված չորս երկրների նվաճումը եւ իր իշխանությանը ենթարկեց տասնինը թագավորների, որոնք իշխում էին լճից այն կողմ ընկած լեռներում: Քյուլաղռանի /այն է՝ Ծովինար.-Ա.Հ./ արձանագրությունը խնամքով պահպանել է այդ թագավորների ցուցակը: Փաստերի պակասության պատճառով նույնիսկ մոտավորապես չի կարելի ցույց տալ, թե նրանք որտեղ եւ որ շրջանում են իշխում»: Իրականում Ծովինարի արձանագրության մեջ որեւէ թագավորի անուն հիշատակված չէ, դրանք բոլորն էլ երկրների անուններ են: Այդտեղ տրված է միայն թագավորների քանակը: Արդի արեւելագետ եւ լեզվաբան

Միեր Քունունցը «Հնդեվրոպական արձանագրության տեղանուն մեջ» հոդվածում անդրադառնալով արձանագրությանը նույնպես կատարել է պատմագիտական սխալ եզրակացություն. «Գորիս տեղանունը առաջին անգամ հիշատակվում է ուրարտական արքա Ռուսա 1-ին (Ք. ա. 735-713 թթ.) արձանագրության մեջ՝ 9-րդ տողում՝ «...Գուրիայան երկիրը...»: Ռուսա 1-ինը Ք. ա. 715 թ. է ձեռնարկել արշավանք դեպի Գեղարքունյաց ծովի արեւելյան հատված եւ նվաճել 23 երկրներ, որոնցից մեկը եղել է Գորիսը՝ Գուրիայան»: Նախ Գորիսը Սեւանի արեւելյան հատվածում չէ, երկրորդը՝ Ռուսան Գուրիայա երկիրը ներկայացնում է լճից հյուսիս եւ ոչ արեւելք: Քունունցի համար հինք է հանդիսացել Հ. Կարապոյանի կարծիքը («Արեւելյան Հայաստանի ուրարտական տեղանունները», 1978):

Գիտնականների մեծ մասը Սարգստի հիշատակած Ուրտեխե /Ծովակի արձանագրություն/ եւ Ռուսայի՝ Աղախու երկրանունները նույնականացնում են Արցախի հետ, սակայն ուսումնասիրողներից ոչ ոք ցայսօր ուշադրության չի արժանացրել Արցախի Տրտու /Թարթառ/ գետի եւ նրա աջակողմյան վտակ Դուրխու-Դուտխու /Թուրխուն/ անվանումների ուրարտական տառադարձության վրա, ի մասնավորի՝ Տուտու-Տրտու, ինչպես նաեւ Արկուկի-Արգիծի անվանումներին: Հատկանշական է, որ ուրարտագետների կողմից աչքաթող է արվել նաեւ Ստեփանոս Օրբելյանի՝ Սյունյաց եկեղեցուն հարկատու Սողո-ժարի բնակավայրերի մի շարք անվանումների նմանությունը Ծովինարի արձանագրության մեջ հիշատակվող երկրների անվանումներին, օրինակ. Գուրկուշիկ-Գուկառիմ, Տուտուայան-Տրետուր, Ծամա-Ծար, Երկիլայան-Երերի, Բերգիրա-Երեգ եւ այլն:

Ծովինարի արձանագրության երկրորդ բացառիկ կարեւորությունը կարծում ենք այն է, որ այն հանդիսանում է Թեյշեբախի քաղաք-ամրոցի /Օծա-

բերդ/ հիմնադրման կենդանի վավերագիրը, չնայած որ ամրոցի տարածքում կան նաեւ մինչուրարտական շրջանի կիկլոպյան շինություններ:

Ծովինարի արձանագրության երրորդ կարեւորագույն գործոնը պատմության աղբյուրագիտական տվյալն է առ այն, թե Ք.ա. 8-րդ դարում Սեւանի ավազանն ինչ հարուստ քաղաքակրթական, սոցիալ-քաղաքական եւ տնտեսական նկարագիր է ունեցել: Սեւանի ավազանի կիկլոպյան ամրոցների եւ ուրարտական սեպագիր արձանագրությունների մեծ մասը փաստում են, որ լճի հարավային եւ արեւելյան ափերը ավելի բնակեցված ու հայտնի են եղել, քան հյուսիսայինը, եւ Ռուսա I-ի Ծովինարի արձանագրությունն է, որ համոզում է հակառակը: Ընդ որում՝ արձանագրության մեջ 23 երկրների թվարկումը եւ երկու անգամ «ծովային գավառում» հղումը հաստատում է, որ Ռուսայի տված նկարագրությունը ամբողջապես համապատասխանում է այժմյան Գեղարքունիքի մարզի տարածքին, որպես լեռնային գոգավորություններով առանձնացած բնաշխարհ: Ուղուրե Եթիուխե ձեւով Սեւանի ավազանն առաջին անգամ հիշատակվում է Արգիշտի I-ի խորխոռյան տարեգրության մեջ. «Կտրում էի մինչեւ... Ուղուրե Եթիուխե», սակայն դրա մասնակի նվաճման մասին խոսում է նրա հաջորդը՝ Սարգստի II-ը. «Խալդեն արշավեց, սեփական գեները ենթարկեց չորս արքաների Ուղուրե-Եթիունյան երկրում»: Ինչու մասնակի, քանզի նշելով չորս արքա, այնուհետեւ արձանագրում է երեք ցեղի կամ երկրի անուն /մեկը վնասված

է/ եւ ոչ քսաներեք, ինչպես Ռուսա I-ը: Ռուսան կամ Ռուշան, որ սարթեստանյան արձանագրություններում բազմիցս հիշատակվում է Ուրսա ձեւով, ինչպես նաեւ հայտնի է նրան տրված մականուններ՝ Ուեդիարի-Վեդիարի եւ Յայա, ունեցել է փոփոխական բախտ: Նրա վարած ներքին եւ արտաքին քաղաքականությունը կարող է առանձնահատուկ լուսաբանման եւ գիտական ուսումնասիրության, որտեղ միանշանակ առանցքային դերակատարում ունի Վեդուրի Եթիունին՝ Սեւանի ավազանի Ք.ա. 8-րդ դարի հայոց պատմությունը:

Ատոմ Հակոբյան



ՄԱՐՏՈՒՆԻ ՀԱՄԱՅՆՔՈՒՄ ՏԵՂԻ Է ՈՒՆԵՅԵԼ «ՍԵՎԱՆԱ ԼՃԻ ՊԱՆՊԱՆՈՒԹՅԱՆ ՀԱՐԹԱԿ» ՆԱԽԱՁԵՌՆՈՒԹՅԱՆ ՄԻՋՈՑԱՌՈՒՄ



Գեղարքունիքի մարզի Մարտունի համայնքում տեղի է ունեցել «Սեւանա լճի պահպանության հարթակ» նախաձեռնության միջոցառում, որի ընթացքում Մարտունի եւ Վարդենիս համայնքները ներկայացնող 28 մանկավարժ վերապատրաստվել են նախադպրոցական ուսումնական հաստատությունների ավագ խմբի մանկավարժների համար նախատեսված «Սեւանա լճի պահպանություն» ձեռնարկով:

Ինչպես տեղեկացրին Մարտունու համայնքապետարանի աշխատակազմից, միջոցառման

մասնակիցներն ուսումնասիրել են բնապահպանական ձեռնարկը, հարցուպատասխանների եւ քննարկումների տեսքով հստակեցրել հետագա անելիքները՝ նախադպրոցական տարիքի երեխաների մոտ էկոհամակարգի մասին անհրաժեշտ ու պահանջվող գիտելիքներ ձեւավորելու համար:

Միջոցառումը կազմակերպվել էր եվրոպական Միության եւ Գերմանիայի Դաշնային Հանրապետության տնտեսական համագործակցության եւ զարգացման նախարարության համաֆինանսավորմամբ իրականացվող «Սեւանա լճի շրջակա միջավայրի պահպանություն» ծրագրի կողմից: Ծրագիրն իրականացնում է Գերմանիայի Միջազգային Համագործակցության Ընկերությունը:

«Գեղամա աշխարհ»

ՍԵՎԱՆԱ ԼՃԻ ՄԱԿԱՐԴԱԿ ԵՎ ԽՈՐՀԱՐՑԱՎՈՐ ՓԵՏՏՐՈՒՄԻ ՄԵՋՐԻ ՀԱՄԵՄՆՏ ԲԱՐՁՐ Է ՄՆՈՒՄ 21 ՄԱՆՏԻՄԵՏՈՒԿ

2025 թվականի փետրվարի սկզբին Սեւանա լճի մակարդակը ծովի մակերեսից գտնվել է 1900 մետր 36 սանտիմետր բարձրության վրա, ինչը 21 սանտիմետրով բարձր է նախորդ տարվա փետրվարի սկզբին գրանցված 1900 մետր 15 սանտիմետր միջից:

Ինչպես տեղեկացրին ՀՀ ՇՄՍ «Հիդրո-օդերևութաբանության եւ մոնիտորինգի կենտրոն» ՊՈԱԿ տեղեկագրից, 2025 թվականի հունվար ամսին Արփա-Սեւան թունելային ջրատարով, ներառյալ ստորերկրյա ջրաբեր, Սեւանա լիճ է տեղափոխվել 1 միլիոն 860 հազար խորանարդ մետր ջուր:

Սեւանա լիճ թափվող գետերը գտնվում են ձմեռային սակավաջուր փուլում:

ՆԵՐՔԻՆ ԳԵՏԱՇԵՆԻ «ԴԵՄԵՐ» ԴԱՄԲԱՐԱՆԱԴԱՇՏԻ ԽՈՐՀՐԴԱՎՈՐ ԳԱՂՏՆԻՔՆԵՐԸ

/Սկիզբը՝ էջ 4-ում/

Ըստ Լալայանի՝ Ներքին Գետաշենի վերին Դեմեր հատվածից գտնված իշխանական սայլը շատ նման է եղել անցած դարի 20-ական թվականներին Անդրկովկասի շատ վայրերում գործածվող սայլերին: Այն բաղկացած է եղել երկու քառակուսուի թելերից, որոնք ամրացվել են երկու միանման անիվների վրա: Այն տարբերվել է ժամանակակից սայլերից միայն նրանով, որ ունեցել է հետեւի երկու անիվներից ավելի փոքր երրորդ անիվը՝ առաջնամասի նեցուկի փոխարեն: Սայլի փայտե երկու կողերի վրա բարձրացել են փայտե թելեր, որոնք միացել են առ ի շեղ ձգված մի ծողով ու ծածկված եղել գեղեցիկ կերտվածքով: Ամեն մի անիվը բաղկացած է եղել երեք կտորից, որոնք իրար միացած են եղել փայտե սեպերով: Անիվի միջին տախտակի մեջ ծակ է արվել առանցքի համար, որի ծայրն ամրացված է եղել վերելից ներքեւ խփված փայտեղով այնպես, որ ոչ թե անիվն է պտտվել, այլ՝ առանցքը, ինչպես որ ժամանակակից սայլերի պարագայում է: Հետեւի անիվների տրամագիծը կազմել է 95 սանտիմետր:

Սայլի առանցքը եղել է կլոր, 12 սանտիմետր տրամագծով, իսկ գերանն ունեցել է 1,8 մետր երկարություն: Առաջին անիվը, որը փոքր է եղել հետիններից, ունեցել է 60 սանտիմետր տրամագիծ եւ պտտվել է երկու կողերի ծայրերին անցկացրած առանցքի շուրջը:

Կողերի վրա, հետին անիվներին մոտ, ամրացված է եղել կես մետր երկարությամբ փայտե մի բարձ, որի միջով անցել են զուգահեռական երկու սեպեր: Երկու կողերի վրա փռված են եղել տախտակներ, իսկ սայլի թելերը ծածկված են եղել պարուրած երկու փոքր ծածկերով: Լուծը միանգամայն նման է եղել հայկական ժամանակակից սայլի լծին. այն եղել է մի քառակուսուի փայտ, որի ծայրին անց են կացվել փայտե սանձեր:

Իսկ թե ինչ ճակատագրի է արժանացել իշխանական սայլը, խոսքը կրկին տանք հեղինակին. «Սայլի փայտը սաստիկ փտած



Սայլի զարդանկար



էր ու ձեռք տալիս անմիջապես փշրվում էր: Նկատելի էր, որ այն կտրված վիճակում էր ձգված գերեզմանի մեջ: Ես մեծ խնամքով հավաքեցի սայլի բոլոր կտորները, տարա թիֆլիս, Հայոց Ազգագրական Ընկերության թանգարանը եւ քանդակագործ Վարժիգուլյանի հետ աշխատեցի ամբողջը վերականգնել եւ նկարել: Սակայն ստիպված էի միայն բավականաճալ նկարներով, որովհետեւ չափազանց փտած լիճնու պատճառով անհնար եղավ այն վերականգնել: 1921 թվականին սրա կտորները բամբակի մեջ փաթեթելով՝ տեղափոխեցի Երեւան Պետական թանգարան»,- վկայում է Երվանդ Լալայանը:

Անշուշտ, Ներքին Գետաշենի տարածքում գտնվող դամբարանները, որոնք մինչ օրս մնում են չպեղված ու չուսումնասիրված, իրենց մեջ պահպանում են բազմաթիվ խորհրդավոր ու արժեքավոր գաղտնիքներ, որոնք սպասում են հնագետների նոր սերնդին, իրենց բացահայտվելու ժամանակին:

Խոսքով Խալաթյան

1. Սեւանա լճի հասակը հաշվվում է մոտ 25 հազար տարի:

2. Սեւանա լիճ են թափվում 30 գետ եւ գետակ (այդ թվում՝ երկու խոշոր աղբյուրներ), որոնց զուամարային ելքը կազմում է 24 խորանարդ մետր վայրկյան: Ամենաջրառատ գետն Արգիճին է՝ 5.38 խորանարդ մետր վայրկյան տարեկան միջին ելքով:

3. Բնական վիճակում Սեւանա լիճ մուտք գործող ջրի 92 տոկոսը գոլորշանում է:

4. Լճի երկարությունը մեծ առանցքով Չկնագետի գետաբերանից (հյուսիս-արեւմուտքում) մինչեւ Օռվակ գյուղը (հարավ-արեւելքում) կազմում է 74 կմ, միջին լայնությունը՝ 19.2 կմ (ամենամեծ լայնությունը առանցքի նկատմամբ 32 կմ է),

5. Սեւանա լիճը համըսնացման մակարդակով դասակարգվում է որպէս քաղցրահամ լիճ, լճի ջուրը



պատկանում է հիդրոկարբոնատային դասի մագնեզիումային խմբի առաջին տիպին:

6. Դիտարկումների պատմական տվյալների համաձայն, տարեկան կտրվածքով Սեւանա լճի մակարդակն ամենից շատ՝ 131 սմ-ով, իջել է 1961 թվականին, իսկ ամենից շատ բարձրացել է 1988 թվականին 72 սմ-ով:

7. Հայաստանում մեկ տարվա ընթացքում ձեւավոր-

վող վերականգնվող ջրային ռեսուրսները (գետային հոսքը) համարժեք է Սեւանա լճի մոտ 6 մ հաստությամբ ջրի շերտի:

8. Լճում ափասառույց ձեւավորվում է ամեն տարի, սակայն լիճը համատարած սառույցով ծածկվում է ոչ ամեն տարի: Վերջին տարիներին ամենահինտեսնիվ համատարած սառցակալում դիտվել է 2008 թվականին:

9. Սեւանա լճի ջրի ջերմաստիճանը մակերեսային տարվա մեջ միջինը կազմում է շուրջ 9 աստժան ցելսիուս, առնանալ-անա ընթացքում շուրջ 80-100 օր մակերեսային շերտը ունի ավելի քան 18 աստիճան ցելսիուս ջերմաստիճան:

10. Մինչեւ նակարդակի արհեստական իջեցումը, Բայկալ, Ժնեւ, Իսիկ-Կուլ լճերի հետ միասին Սեւանը համարվել է աշխարհի ամենաթափանցիկ լճերից մեկը, թափանցիկությունը բնական վիճակում կազմել է շուրջ 21 մետր:

ՄԱՐՏՈՒՆԻ ՀԱՄԱՅՆՔՈՒՄ «ՏՆՏԵՍԱԿԱՆ ԱԿՏԻՎԱՅՄԱՆ ԵՐԱԳԻՐՈՎ» ՄԱՍՆԱԳԻՏԱԿԱՆ ԿՐԹՈՒԹՅՈՒՆ ԵՆ ՍՏԱՅԵԼ ԵՎՍ 14 ՇԱՀԱՌՈՒ

ԵՀԻՆ «Հայաստանյան Կլոր Սեղան» հիմնադրամը, Գեղարքունիքի մարզի Մարտունու համայնքապետարանի եւ «Art House» ուսումնական կենտրոնի հետ համատեղ, շարունակում է իրականացնել «Տնտեսական ակտիվացման ծրագիրը», որի շրջանակում բազմամյա մասնագիտական կրթություն են ստանում Մարտունու համայնքում բնակվող կանայք:

Հերթական փուլում կազմակերպված կարուծելի մասնագիտական դասընթացներին ընդգրկված էին 14 շահառու՝ ինն արցախից բռնի տեղահանված եւ հինգ տեղացի կանայք:

Օրերս Մարտունու համայնքապետարանում տեղի է ունեցել եռամսյա տեսական եւ գործնական դասընթացներն ավարտած մասնակիցներին վկայագ-

րերի հանձնման արարողությունը, եւ, որպէս աջակցության մաս, նրանց տրամադրվել են նաեւ աշխատանքային գործիքներ:

«Ծրագիրը շարունակվում է մեկ այլ խմբում մասնակիցներն ուսանում են հրուշակագործություն», - հավաստեց Մարտունու համայնքապետարանի աշխատակազմի ներկայացուցիչը:

«Գեղամա աշխարհ»



ԿԱՅԱՑԵԼ Է ՍԵՎԱՆ ՀԱՄԱՅՆՔԻ ԱՎԱԳԱՆՈՒ 7-ՐԻ ՆՄԱՇԵՐՁԱՆԻ ԱՌԱՋԻՆ ՆԻՍՏԸ

Կայացել է Գեղարքունիքի մարզի Սեւան համայնքի ավագանու 7-րդ նստաշրջանի առաջին նիստը, որը վարել է Սեւան համայնքի ղեկավար Սարգիս Մուրադյանը:

Ներկայացված օրակարգային հարցերի հաստատումից առաջ Սեւան համայնքի ղեկավար Սարգիս Մուրադյանն անդրադարձել է 2024 թվականին համայնքում իրականացված աշխատանքներին:

Իրականացված աշխատանքների շնորհիվ ակնառու են գրանցված ցուցանիշները, որի համար շնորհակալություն են հայտնում համայնքապետարանի աշխատակազմին, ավագանու անդամներին, համայնքի բնակիչներին, այն կազմակերպություններին եւ անհատներին, որոնք իրենց գործունեությամբ նպաստել են համայնքապետարանի ծրագրերի կյանքի կոչմանը, համայնքի բնականոն կյանքի պահովմանը, - նշել է համայնքի ղեկավարը:

Սեւան համայնքի 2024 թվականի բյուջեի կատարման եւ 2024 թվականին կատարված աշխատանքների վերաբերյալ հաշվետվությունը Սեւան համայնքի ավագանին ընդունել է ի գիտություն:

Ավագանու մեկ այլ որոշմամբ համայնքի ավագանին հաստատել է Սեւան համայնքի 2025 թվականի տարեկան աշխատանքային պլանը:

Համապատասխան որոշումներով հաստատվել են համայնքի ավագանու քննարկմանը ներկայացված «ՀՀ Գեղարքունիքի մարզի Սեւան համայնքում մասնակցային բյուջետավորման գործընթաց սկսելու», «Սեւան համայնքի ավագանու կանոնակարգը նոր խմբագրությամբ հաստատելու», «Սեւան հա-

մայնքի բնակավայրերի վարչական տարածքում գտնվող գյուղատնտեսական նշանակության հողատարածքների 2025 թվականին օգտագործման տրամադրվող վարելահողերի, արոտավայրերի եւ խոտհարքերի համար մրցութային մեկնարկային գին սահմանելու», «Սեւան համայնքի սեփականություն հանդիսացող հողերի կառավարման 2025 թվականի (ամենամյա) ծրագիրը հաստատելու», «Սեւան համայնքի Սենյոնովկա բնակավայրում գտնվող ՕԿԶ-ի եւ կապտաժի կառուցման համար նախատեսված հողատարածքը Հայաստանի Հանրապետությանը նվիրատվություն ծախսելու», «Սեւան համայնքի Դոմաշեն բնակավայրի մանկապարտեզ» ՀՈԱԿ-ի կանոնադրության մեջ կատարված փոփոխությունը հաստատելու», «Սեւանի համայնքապետարանի, համայնքային ոչ առեւտրային կազմակերպությունների

եւ Սեւանի բիզնես կենտրոնի 2024 թվականի գույքագրման արդյունքները հաստատելու», «Սեւան համայնքի տեղական ինքնակառավարման մարմնում տեղական հակակոռուպցիոն միջոցառումների ծրագիրը հաստատելու», «Սեւան համայնքում սոցիալական աջակցության ոլորտի սոցիալական ծառայությունների տրամադրման տեսակները, սոցիալական աջակցություն ստացող խմբերի ցանկը եւ չափորոշիչները սահմանելու», «Սեւան համայնքի կողմից «Կոտայքի եւ Գեղարքունիքի մարզի կոշտ թափոնների կառավարման կենտրոնում» լիազորված ներկայացուցիչ նշանակելու» մասին հարցերը:

Համայնքի ղեկավար Սարգիս Մուրադյանն անդրադարձ է կատարել համայնքում աղբահանության դիմաց գանձվող վարձավճարներին նշելով, որ «Սեւան համայնքի կոմունալ սպասարկում եւ բարեկարգում» ՀՈԱԿ-ը, չնայած առկա խնդիրներին եւ հնարավորություններին, անում է հնարավորը, որպեսզի աղբահանությունը կատարվի ժամանակին, համայնքն ունենա ներկայանալի տեսք: Ուստի եւ բնակիչները, տնտեսավարող սուբյեկտներն ու իրավաբանական անձինք չպետք է մոռանան իրենց պարտականությունները՝ ժամանակին կատարելով վճարումները:

Ավագանու նիստի ընթացքում քննարկվել են նաեւ համայնքի ավագանուն հասցեագրված դիմումները, որոնց տրվել են սպառիչ պատասխաններ՝ համապատասխան որոշումների ընդունմամբ:

Սեւան համայնքի ավագանու 7-րդ նստաշրջանի 2-րդ նիստը տեղի կունենա 2025 թվականի մարտի 12-ին:

Արմինե Ղուկասյան



ԿԱՅԱՑԵԼ Է ԳԱՎԱՌ ՀԱՄԱՅՆՔԻ ԱՎԱԳԱՆՈՒ ՈՒԹԵՐՈՐԻ ՆՄԱՇԵՐՁԱՆԻ ԱՌԱՋԻՆ ՆԻՍՏԸ

Կայացել է Գեղարքունիքի մարզի Գավառ համայնքի ավագանու ութերորդ նստաշրջանի առաջին նիստը, որը վարել է Գավառ համայնքի ղեկավար Գուրգեն Մարտիրոսյանը:

Նիստի օրակարգում ընդգրկված հարցերի հաստատումից հետո համայնքապետարանի աշխատակազմի ֆինանսատնտեսագիտական, եկամուտների հաշվառման եւ հավաքագրման բաժնի պետ Տիգրան Բրսիկյանը ներկայացրել է «Գույքահարկի գծով արտոնություններ սահմանելու մասին» հարցը:

«Համայնքային սեփականություն հանդիսացող գյուղատնտեսական նշանակության հողատեսքն աճուրդով օտարելու եւ մեկնարկային գին սահմանելու», «Համայնքային սեփականություն հանդիսացող անշարժ գույքերը գնահատելու եւ աճուրդային կարգով օտարելու», «Անշարժ գույքի անհատույց օգտագործման պայմանագրերի գործողության ժամկետները երկարաձգելու», «Համայնքային սեփականություն հանդիսացող խանութը եւ սպասարկման համար նախատեսված հողամասը ուղղակի վաճառքի միջոցով օտարելու», «Համայնքային սեփականություն հանդիսացող հողամասերը աճուրդային կարգով օտարելու եւ «Կոտայքի եւ Գեղարքունիքի ԿԿԹԿԵ ՍՊԸ-ում համայնքի լիազորված ներկայացուցիչ նշանակելու» մասին հարցերը զեկուցել է համայնքապետարանի աշխատակազմի իրավաբանական բաժնի պետ Արա Գեւորգյանը:

Աշխատակազմի քաղաքաշինության եւ հողաշինության բաժնի պետ Դավիթ Մազմանյանը ներկայացրել է «Համայնքային սեփականություն հանդիսացող հողամասերը աճուրդային կարգով օտարելու մասին» հարցը:

«Դրամական աջակցություններ տրամադրելու մասին» հարցը զեկուցել է համայնքապետարանի աշխատակազմի գլխավոր մասնագետ Վարսենիկ Խաչատրյանը:

Համայնքապետարանի ֆինանսատնտեսագիտական եկամուտների հաշվառման եւ հավաքագրման բաժնի գլխավոր մասնագետ Լիլիթ Բաբինյանը զե-

կուցել է «2024 թվականի գույքագրման եւ դուրսգրման ենթակա հիմնական միջոցների եւ փոքրարժեք արագամաշ առարկաների փաստաթղթերի հաստատման մասին» հարցը:

«Ծաղկաշեն բնակավայրի վարչական սահմաններում գտնվող համայնքային սեփականություն հանդիսացող, օգտագործման սահմանափակումներ չունեցող, գյուղատնտեսական նշանակության հողատեսքերը մրցութային կարգով վարձակալությամբ օգտագործման տրամադրելու եւ տարեկան վարձավճար սահմանելու մասին» հարցը ներկայացրել է համայնքապետարանի աշխատակազմի գյուղատնտեսության եւ բնապահպանության բաժնի պետ Արծրուն Դուրշուդյանը, իսկ «Գույքահարկի գծով արտոնություններ սահմանելու եւ սահմանված արտոնությունները Գավառ համայնքի 2024 թվականի բյուջեից փոխհատուցելու մասին» հարցը՝ ֆինանսատնտեսագիտական, եկամուտների հաշվառման եւ հավաքագրման բաժնի առաջատար մասնագետ Գեւորգ Աղլամազյանը:

Որոշվել է նաեւ հաջորդ նիստի օրն ու ժամը. այն տեղի կունենա 2025 թվականի մարտի 10-ին:

Օրակարգում ներառված բոլոր հարցերը հաստատվել են քվեարկությամբ:

Ավագանու նիստին մասնակցել են նաեւ «ԲՀԿ-ների կարողությունների զարգացում» ենթադրամաշնորհի շրջանակներում իրականացվող «ՏԻՍուսույց» ծրագրի երիտասարդները:

Ավարդ Մանուկյան



ԴՈՒՆՈՒՇԸ



/սկիզբը՝ նախորդ համարներում/

«Աղոն գերի է հանձնվել ֆաշիստներին, Աղոն դավաճան է, Աղոյի դիմակը պատռվել է»: Այս մտքերը զայրացնում էին համագյուղացիներին եւ նրանք բոլոր դեպքերում նողկանքով էին խոսում Աղոյի մասին: Վերհիշում էին, թե ինչպես գյուղատնտեսի նախագահ աշխատելու ժամանակ Ղազարի Չարոյի կողմից հարկերը ժամկետից շուտ չմուծելու պատճառով Աղոն բարձրանում է նրա տան կտուրը եւ բաժնով քանդում հողեծածկը՝ սպառնալով, որ տունը փուլ կածի տանեցիների գլխին: Նա իր այդ չարագործությունը դադարեցնում է համագյուղացիների մասսայական խնդրանքով եւ Չարոյի ծնկաչոք աղաչանքով ու ոտները պաշելով:

Պատմում էին, որ Չովհաննեսի ինը տարեկան տղային բանտարկել է տալիս երկու տարի ժամկետով՝ քաղցածության պատճառով կոլտնտեսության բոստանից ութ հարյուր գրամ կարտոֆիլ վերցնելու համար: Նա այդ քաղցած երեխայի արարքը ակտավորում է որպես համաժողովրդական ունեցվածքի հափշտակություն եւ ներկայացնում դատական մարմիններին: Երեխան պատիժը կրելուց հետո ազատվում է ծանր հիվանդ վիճակում եւ մեռնում մի քանի տարի հետո:

Հիշում էին այն դեպքը, որ Աղոն գաղտնի խեղդել էր իր ծերացած եղբոր միակ նորածին երեխային, որպեսզի ծխի տեղ չդառնա՝ եղբոր ունեցվածքը հետագայում իրեն մնալու նպատակով: Մտաբերում էին, թե ինչպես նա նախանձից գաղտագողի այրել էր իր հարեւանի ցորենի բարդոցները, դրանից առաջ թունավորել էր քավորի եգեներին, ոտների տակ ծեծել էր յոթանասունհինգամյա մի կնոջ այն բանի համար, որ իրեն անվանել էր անխիղճ մարդ: Շատերն էլ մեղադրանքով էին խոսում իշխանության ղեկավարների մասին, որ Աղոյի նման մարդկանց պաշտոն են տալիս եւ ժողովրդի բախտը կապում նրանց հետ:

Դուռնուշի վիշտը չէր փարատվում: Թվում էր, թե Աղոյի դիմակը բացող լուրերը պետք է ինչ-որ չափով ուրախացնեին նրան, սակայն այդ լուրերն էլ չսթափեցրին դժբախտ կնոջը, քանի որ Տիգրանին բանտարկելը, Չայկի մահը եւ Միշայի նամակների ուշանալը մի անվերջանալի մրմուռ էին ստեղծել նրա սրտում, որը տանջում էր ու տանջում խեղճ կնոջը: Նահապետական գեղջկուհու մտածելակերպով մա ստածուն խնդրում էր, որ իր հոգին չառնի, մինչեւ չտեսնի Տիգրանին ու Միշային:

-Տեր Ամենակարող,- մրմնջում էր Դուռնուշը,- աչքս մեկ անգամ էլ առնի դարիքներիս, ու հոգիս առ, մեռցրու ինձ եւ տեղավորիր հանգուցյալ Չայկա ծոցը:

Չետագայում Դուռնուշին եւ համագյուղացիներին հայտնի դարձավ, որ պատերազմի ժամանակ Բելոռուսիայի մի գյուղի մոտ տեղի ունեցած ճակատամարտում ծանր վերք է ստանում իրենց հարեւան Սկոյի որդի Չամոն: Նա չի կարող նահանջել եւ գյուղի ծայրին պառկում է փված շենքի պատի տակ: Այդ բանը նկատում են փված տան հարեւանի կինն ու աղջիկը, որոնք կարողանում են վիրավոր զինվորին տեղափոխել իրենց տունը եւ թաքցնել: Նրանք խնամքով պահում ու բուժում են Չամոյին: Սակայն գյուղը գրաված ֆաշիստները մի քանի օր հետո իմանում են Չամոյի տեղը եւ սովետական ուրիշ վիրավոր զինվորների հետ, որոնք Չամոյի նման չէին կարողացել նահանջել, ավտոմեքենայով տանում են որպես գերիներ: Որոշ ժամանակ անց վիրավոր գերիները ապաքինվել էին եւ կարող էին աշխատել: Գերմանացիները նրանց տեղավորեցին Լեհաստանում ստեղծած իրենց ճամբարներից մեկում: Այդտեղ էլ Չամոն հեռվից տեսավ Աղոյին՝ գերմանական սպայի համազգեստով,

ավագ լեյտենանտի տարբերանշաններով, ատրճառակը կողքին կապած: Նա սկզբում ուզեցավ մոտենալ Աղոյին եւ զրուցել նրա հետ: Սակայն իսկույն կողմնորոշվեց, որ հնարավոր է իր գլուխն էլ ուտի, խույս տվեց նրանից եւ բոլոր դեպքերում չերեւաց դավաճանի աչքին:

Չամոն ականատես եղավ, թե ինչպես գերմանական ճամբարի պարետ Աղոն ծեծում ու պատժում էր գերված սովետական զինվորներին: Մոլեռանդորեն ծառայում էր ֆաշիստներին եւ պատրաստվում էր դառնալ լեգեոնի ղեկավար եւ կռվել սովետական բանակի դեմ: Աղոն ճամբարում հանդիպել էր համագյուղացի Չովեին եւ առաջարկել նրան, որ ցուցակագրվի լեգեոնի կազմում եւ կոչ անի մյուսներին՝ հետևել իր օրինակին: Սակայն Չովեն ոչ միայն մերժել էր նրան, այլեւ արհամարանքով ծաղրել էր ու զգվանքով հեռացել նրանից: Չենց այդ պահին Աղոն ատրճառակի երեք հարվածով սպանել էր համագյուղացուն եւ կարգադրել դիակը քարշ տալ ինչ-որ տեղ: Չամոն ականատես էր եղել նաեւ այդ վայրագությանը եւ լցվել այրող վրեժով: Նա խորապես համոզված էր, որ Աղոն իրեն եւս կվերացնի, եթե իմանա, որ իր համագյուղացին է: Այդ պատճառով էլ Չամոն ուշադրությամբ թաքնվում էր նրա աչքից եւ հետեւում նրա գործողություններին:

Չամոյին հաջողվել էր իմանալ, որ դավաճան Աղոն անցել էր գերմանական սպայական դասընթացներ եւ ընդունել նրա համար սահմանված երդումը, դարձել ֆաշիստական բանակի սպա: Չամակենտրոնացման ճամբարի պետի տեղակալներից մեկը Չանս-Արիս անունով մի սպա էր, որը ղեկավարում էր ռազմագերիների գերմանական օբյեկտներում աշխատանքի գործը: Նրա մուռնիքից երեւում էր, որ ունի կապիտանի աստիճան: Չանս-Արիսը դաժանություններ չէր անում, խղճում էր գերիներին, օգնում էր հիվանդներին: Նրան հարգում էին գերիները եւ սիրով կատարում նրա հրամանները:

Մի քանի ամիս համակենտրոնացման ճամբարում աշխատելիս Չանս-Արիսը ձեռք էր բերում ճանաչում եւ հեղինակություն: Նրան հարգում ու գնահատում էին նաեւ գերմանական սպաները, որոնք հիմնականում կասկածամտություն էին ցուցաբերում իրար նկատմամբ: Նա ոչ ոքի կողմից չէր կասկածվում եւ գործում էր ազատ ու համարձակ: Նրա հրամանատարությամբ երեք հարյուր հիսուն ամրակազմ եւ դիմացկուն գերիներ, որոնք նախօրոք ընտրված էին, հետիոտն շարքով տեղափոխվում էին աշխատանքի մի օբյեկտ՝ կտրելով երկար ճանապարհ: Հոգնածներին օգնում էին ուժեղները, եւ գերիների շարքը քայլում էր անձանոթ ճանապարհներով: Բազմաթիվ կիլոմետրեր անցնելուց հետո Չանս-Արիսի հրամանով շարասյունը մտավ անտառ եւ սկսեց խորանալ նրա ծալքերը: Շարքում ուժեղներից մեկն էլ Չամոն էր: Նա թեւանցուկ արած տանում էր Բոնդարենկոյին՝ ուկրաինացի մեծասիրտ մի տղայի, որի ծնկները ծալվում էին կրկնվող հիվանդությունից: Երբ մտան մի բացատ, որը խիտ ծառերի արանքում գրեթե չէր երեւում, հրաման եղավ հանգստանալ: Հյուսիսում ու հոգնած գերիները փռվեցին գետնին ու սկսեցին լիաթք շնչել անտառի թարմ օդը: Նրանց կենտրոնում կանգնեց Չանս-Արիսը եւ հայտարարեց, որ ինքը սովետական հետախույզ է եւ համակենտրոնացման ճամբարի ղեկավարներին մոլորեցնելով՝ իրենց բերել է պարտիզաններին միանալու համար: Լսելով այդ հայտարարությունը՝ բարակած վզերով ու ոսկրացած գերիները ուրախությունից վերթան եւ սկսեցին ցատկոտել բացատի կանաչի վրա: Նրանք համբույրներով եւ գրկախառնումներով ողջունեցին միմյանց եւ ամենախորունկ զգացմունքով ապրեցին գերություն-

նից ազատվելու առաջին պահը: Շատերը գերությունից ազատվելու կրքով զրկված գրկեցին Չանս-Արիսին եւ սկսեցին համբուրել նրա երեսը, ձեռքերը, ոմանք էլ նույնիսկ ոտքերը: Այդ երանավետ ժամանակամիջոցը ծննդյան օրվա նման թանկ էր ու նվիրական, լացի եւ ուրախության հանգուցակետի նման զարմանալի: Եթե այդ ցնծությունը նուր ուժ ուժ եռանդ էր հաղորդում գերիներին, ապա հոգնեցնում եւ թուլացնում էր Չանս-Արիսին, քանի որ նրա համար ծանր էր տանել երեք հարյուր հիսուն համբույր եւ ավելի շատ գրկախառնություն: Մի քանի ժամից հետո գերիների շարասյունը միացավ պարտիզանական ջոկատին, եւ թնդաց մարտական «ուռռա»-ն: Պարզվեց, որ խիզախ հետախույզ Չանս-Արիսը արցախցի Չովեիյան Արամայիսն է, որը հատուկ հանձնարարությամբ եւ համապատասխան փաստաթղթերով հանդես է եկել որպես գերմանացի եւ գերմանական օֆիցեր ու հմտորեն կազմակերպել ռազմագերիների փախուստը: Արամայիսը գերմանական Չանս անվանը ավելացրել է իր անվան ար եւ իս մասերը եւ դարձրել Չանս-Արիս: Նա մի քանի ամիս գործել է թշնամու դիրքերում, իմացել նրա գաղտնիքներից շատերը եւ տեղյակ պահել սովետական հետախույզության ղեկավարությանը: Երեք հարյուր հիսուն գերիների միացումը պարտիզանական Նաունովյան միացմանը տեղի ունեցավ Արամայիսի խելքի եւ համարձակության շնորհիվ:

Չամոն պարտիզանների շարքում աչքի էր ընկնում իր համարձակ գործողություններով: Նա իր ընկերների հետ միասին պայքեցնում էր կամուրջներ, խորտակում թշնամու գնացքներ, այրում պահեստներ: Ֆաշիստների դեմ նրա վրիժառության կրակն ավելի էր բորբոքվում, երբ հիշում էր գերության օրերն ու դավաճան Աղոյի վերաբերմունքը գերիների նկատմամբ: Արամայիսը, որպես Նաունովյան միավորման Ա. Միկոյանի անվան ջոկատի պետ, պարտիզան տղաներով կատաղի մարտեր էր տալիս թշնամու զորամիավորումների դեմ եւ հաղթանակներ տանում:

Ստալինգրադի ճակատամարտում սովետական զորքերի կողմից ֆաշիստական զորքերի շրջապատումն ու ջախջախումը ուրախացրել էր Դուռնուշին: Նա համոզվել էր, որ Միշան տուն կգա հաղթանակով եւ ամեն օր ձեռքերը երկինք պարզած աղոթք էր անում խնդրելով Աստծուն, որպեսզի օգնի սովետական զորքերին, օգնի նաեւ իր Միշային: Երբ նա մեռելուց օրերին գերեզմանոցում այցելում էր Չայկի գերեզմանին, պառնում էր հողաթմբի վրա ու շնչում. «Չայկ ջան, աչքդ լույս, մեր զորքերը ջարդել են ֆաշիստներին, մեր Միշան տուն կգա հաղթանակով»: Դուռնուշը մյուս կանանց բացատրում էր Ստալինգրադի ճակատամարտի նշանակությունը եւ նրանց խորհուրդ տալիս՝ մատաղացու գառ կամ աքլոր պահել հաղթանակի համար: Մտածում էր նաեւ այն մասին, որ կոլտնտեսության ժողովում ելույթ ունենա եւ Աղոյին անվանի ժողովրդի թշնամի: Սակայն նրա տրամադրության վերելքի օրերին եկել էր նաեւ Միշայի «սեւ թուղթը»: Փոստի աշխատողները անհարմար էին զգում ծրարը Դուռնուշին հանձնել, քանի որ ծրարի տեսքից գիտեին, թե նրա մեջ ինչ կա:

Չարաղետ ծրարը հասավ Դուռնուշին ու Ռաֆոյին, որը Միշային սպանող գնդակի նման խոցեց մորը ու աղջկան: Ծալվեցին Դուռնուշի ծնկները, նա փռվեց գետնին եւ սկսեց ծվծվալ: Թվում էր, թե Դուռնուշը քանդվում է, թվում էր, թե փլուզումն սկսվել է կրծքից: Ռաֆոն սառը ջուր էր ցանում արդեն ուշագնաց մոր երեսին եւ լացելով բարձրացնում էր



Արտաշ Զորապի Ստեփանյան

նրա գլուխը: Չարեւանները, իրար կանչելով, լցվում էին նրանց տունը: Թոնրատանը պտտուտահողմի պես բոլորվում էին մարդկային հառաչանքն ու վշտի ալիքները: Լալիս էին նաեւ հարեւանները, լալիս էին պատերը, լալիս էին, ինչպես ընդունված էր ասել, քար ու թուփը: Դուռնուշը ուշքի չէր գալիս: Չարեւաններից Չամբոյի կին Սաբեթը տրորում էր նրա երեսը, մյուսները կսնթում էին ոտներն ու մարմինը, թուլացած Ռաֆոն հազիվ բռնել էր մոր աջ ձեռքը: Շատերն սպասում էին, որ մոր վիճակին կընկնի նաեւ ինքը՝ Ռաֆոն, ու հետեւում էին նրան: Ազո շտեմարան այդ տունը թնդում էր հարեւանների ծայրերից, մարդկանց աղաղակներից, ուշագնացին օգնողների կանչներից եւ լացողների հեծկտոցներից: Սուգը գնալով սաստկանում էր, եւ այդ տանը բորբոքված դժբախտության լուրը տարածվում էր գյուղում, ու տարբեր տեղերից մարդիկ շտապում էին այնտեղ:

Դրսում խռնված մարդկանց արանքներով դժվարությամբ անցնելով՝ ներս մտան Սուսաննա Զարգարյանը եւ բժշկուհի Շուշիկ Զորանյանը, ով անմիջապես մոտեցավ ուշագնացին եւ պահանջեց, որ կանայք նրանից հեռու կանգնեն: Շուշիկը դեղով լիք ապակե սրվակը Դուռնուշի թոնր մոտեցնելով՝ նրան ուշքի էր բերում եւ Սուսաննայի հետ միասին հանդուժում, որ կարողանա դիմանալ: Սակայն Դուռնուշը մեկ ուշագնաց էր լինում, մեկ ուշքի գալիս ու մազերը պոկելով լալիս՝ ծնկան վրա կրելով Ռաֆոյի գլուխը: Ոչ ոք չէր կարող մխթաբանքի խոսք ասել: Մարդիկ իրենք էլ չգիտեին, թե ինչով կարելի կլինի Մխթաբել Դուռնուշին ու Ռաֆոյին: Իրոք, նման պահերին ցամաքում է մարդու միտքը եւ լեզուն կաշկանդվում: Թվում է, թե խոսելու փորձ անելիս ավելի եւ բորբոքում սգավորներին:

Տիգրանի, Չայկի եւ Միշայի հայացքները չէին հեռանում Դուռնուշի աչքերից, եւ նրա սրտի մրմուռը ողորում էր խեղճ կնոջ ելությունը, տուրնուտեղը եւ կարեկից հարեւաններին: Միակ համարձակը Սուսաննա Զարգարյանն էր, որ փորձում էր համոզել Դուռնուշին եւ աղջկան, որ նրանք սթափվեն եւ կարողանան համբերությամբ տանել ծանր վիշտը:

Վերջապես հաջողվեց հասնել այն բանին, որ Դուռնուշը էլ չէր ուշաթափվում եւ նստած տեղը, կզակը ափերի մեջ առած, հեծկտում էր նվաղած ծայրով՝ ցնցելով չորացած ուտերը: Ուշ երեկոյան հարեւաններն սկսեցին ցրվել իրենց տները: Վերջինը ժամանակավոր հրաժեշտ տվեցին Սուսաննա Զարգարյանը եւ Շուշանիկ Զորանյանը, որոնք պայմանավորվեցին՝ գիշերը մեկ-երկու անգամ այցելել դժբախտներին:

/շարունակելի/
Արտաշ Ստեփանյան



ՄՈՐՈՒՔ ԿԱՐՈՅԻ ՎՐԵԺ /Բնարաչափական պոեմ/

/սկիզբը՝ էջ 1-ում

Ջուր հասցրեց իրեն խիզախ
հայուհին
Ու վիրակապեց վերքը արնածոր:
Խարսի կռվի մեջ ու Արվառինջի
Սարսափ էր թափում թշնամու
գլխին,
Թիկունքը պահում Գեւորգ Չաուշի,
Արյունն աչքն առած՝ ոսոխին ջնջում:
Եվ խիզախ էր նա, եւ՝ անխոցելի՝
Այդ ու անհամար այլ կռիվներում:
Մարտնչում էր միշտ հպարտ,
առնացի,
Նենգ դահիճներից վրեժն իր առնում:

2

Ավելի խորն է Կարոն ընկղմվում
Գինարբուքի մեջ, ծովերում հուշի,
Բաժակ առ բաժակ ցամաք
դատարկում,
Ու քիչ է մնում՝ քար սիրտը պայթի...
Չրաշք էր Սասնո աշխարհը վայրի՝
Իր արագահոս գետերով շաչուն,
Գրլզրլի, հացի արտերով հուռթի,
Պաղ աղբյուրներով՝ ջինջ ու
կարկաչուն,
Դեղին բույլերով գնարբուկների,
Կառվռում գույնով յոթ աղբոր
արյան:
Օրը բացվում էր երգով գեղջուկի,
Աստվածապաշտ տատի աղոթքով,
Ինքը նախիրն էր տանում արոտի,
Հայրն հողը էր վարում եգ ու արորով:
Ամեն քար ու թուփ պաշտելի էին
Սուրբ Մարաթուկի հավատի նման,
Մեղրից էլ անուշ զազպե-մանանան
երկնքից թափվող պարգև էր
մարդուն:
Սակայն դրախտի այդ չնքաղ
հովտին
Մի արյունարբու Վիշապ էր տիրել,
Ծանրորեն նստել հողի տաք շնչին
Եվ օդն էր պղծում հոգով
թունավոր...
Թուրք ու քրդերը՝ ագահ, արնախում,
Գայլերի նման գիշատում էին,
Թալանում, ջնջում ամեն շեն
ու տուն,
Հայի արյունով սնվում,
հագնում...

Վարժարանի մեջ հայրենի գյուղի
Մայրենի լեզվի դասերն էր սերտում,
Տեւական երթը հայոց պատմության,
Ու խոսքն Աստծու, գիրը Նարեկի:
Հոգին լցվում էր ազգասիրությամբ,
Ու ազատության երազանքներով,
Խոր ատելությամբ՝ ոսոխի հանդեպ՝
Իրենց անդադրում ոճիր-նախճիրով:
Ֆիդայիների մասին էր լսում,
Որ պատմում էին գաղտնի շշուկով,
Նրանց կյանքերի համար աղոթում
Ամեն մի տանը, վանքում,
մատուռում:
Եվ ինքն էլ ուխտեց դառնալ ֆիդայի,
Հավիտյան փարվել փրկարար
գեներին,
Ձինվորը լինել Գեւորգ Չաուշի,
Քարը անել բարձ իր հոգնած գլխին:
Ու դեռ պատանի՝ նա երդում կերավ
Ավետարանի ու սրի վրա,
Առաջին գնդակն արծակեց սիրով
Նենգ ոսոխների շարքերի վրա...
Հարձակվում էին մթին գիշերով,
Հարամիների որջերը ջնջում,
Չարիքի դիմաց հատու հարվածով,
Դիցական զարկով վրեժը առնում:
Երազում էր նա Ազատ Հայաստան
Թուրքից, չերքեզից, քրդից,
սուլթանից:
Եվ այդ սրբազան երագի ծամփին
Կամքը անկոտրում, անսասան մնաց:

3

Տարիներ երկար իր տունը սարն էր,
Անկողինը՝ լոկ գետինը չորուկ,
Մեջքը գրկողը փամփշտակվւմ էր,
Կերածը՝ չորթան կամ մի բուռ կորել:
Նրա անունը սարսափ էր թափել
Ավազակների անասնձ կրքերին,
Անվեհեր ուժով ոտքի էր հանել
Նործիլ, նորընծա ֆիդայիներին:
Քիչ էին թվով, սակայն ահարկու,

Մի բանակ էին անընկճելի,
Որ սիրում էին, պաշտում մեկմեկու
Ու սերունդն էին Դուցազունների:
Գալշո Մանուկը, քչախոս Գալեն,
Պողոսը Սեյտո, Մակարը հսկա,
Փեթարա Իսրոն ու կտրիճ Ախոն,
Շենիկի Մանուկն ու Իսոն Գոմսա,
Առյուծ Ավագը, Փալաբեղ Կարոն,
Հրայր Դժոխքը, հսկա Մախլուտոն,
Սերոբը Աղբյուր, Անդրանիկ Փաշան
Մենակ կամ խմբով բյուր
ասկյարների
Դեմ էին ելնում, խիզախ
մարտ մղում...
Գեւորգը զարկվեց Սուլուխի կռվում,
Մակարն սպանվեց քրդերի ձեռամբ,
Բայց կռիվն իրենց եղավ անգիջում,
Ու արյան գետեր հոսեցին անափ:
Մի օր էլ եկավ վարդապետ Հեսուն՝
Մշո հոգեւոր առաջնորդը քաջ,
Ասաց, որ պետք է լեռներից իջնեն,
Տճերը գնան, վերցնեն բահ ու մաճ,
Իրենց ունեցած զենքերը հանձնեն,
Ստանան ներում օրենքի առաջ,
Ապահով խաղաղ, վարուցանք անեն
Վերից հռչակված եղբայրության մեջ:
-Հուրիաթ է արդեն, կռվելն
անիմաստ,-

Հեսուն շատ երկար, համառ
համոզեց,-
Արդեն եղբայր ենք թուրքի,
քրդի հետ,
Ամեն պատերազմ անցյալում մնաց:
Նայեց իր զենքին ու սիրտը փլվեց
Հեղեղից քշված պատնեշի նման:
Ի՞նչ են անելու կտրիճներն առյուծ
Առանց զենք-զրահ, փամփուշտ,
հրացան
Գայլ ու գազանի աշխարհում
այս պիղծ,
Թուրք ու քրդի հետ՝ նենգ ու
դրուժան,
Երբ ցանկանում են միշտ
ազատաբաղձ
Հայ ոգին ջնջել իր իսկ տան շեմին:
Ըմբոստ խոսքերով դիմադարձ եղան
Գալշո Մանուկը, Ախոն ու Չոլոն:
Ինքն էլ միացավ նրանց պայքարին
Ու գյուղ չդարձավ, մնաց լեռներում:

4

Առաջվա նման էլ կռիվ չկար,
Իր հետքի վրա էլ չէին ելնում,
Գայմագամ, չաուշ՝ ոխերիմ ու չար,
Կամ հազար ու մի լրտես, դավաճան:
Եվ հրացանի փողն էր ժանգոտվում,
Փամփուշտներն էին կրակվում
միայն
Որսի պահերին, լեռան ծերպերում՝
Աշխարհից, կյանքից հեռու ու
անդին:
Թափառում էր նա ծորից ծոր ու լեռ,
Իր երիտասարդ օրերը մաշում,
Վրեժի ծարավ հոգին մոլորվել,
Ապրելու համար ծամփա չէր գտնում:
...Հանկարծ Մարթայի լուսե դեմքն
հիշեց
Ձմռան մի օրվա արեւածագին,
Երբ Մարաթուկի ծերմակ կատարից
Բացավառ շողաց արփին հուրհրան,
Երբ ծյունաճերմակ աշխարհը շողաց
Լույսի համբույրից գուլներով
վառման,
Իր երակներում մի սեր խլրտաց՝
Սիրտը անթեղեց գեղանի Մարթան
Իր ահեղ կռվի անցած օրերից,
Երբ ինքնամոռաց գոռ մարտ էր
մղում
Ապառաժ քարի թիկունքին հենված,
Կեսօրից մինչեւ խավար
մութընկան...
Հետո գիշերով գյուղ իջավ թաքուն,
Տեր- Քաջի քրոջ տան դուռը բախեց:
Երագի բոցը բեկվեց մեծ թախտին
Ու մի գեղանի պատկեր նկարեց:
Սոր ծոցում անուշ քնած էր Մարթան
Հրեշտակային մոգական քնով,
Ասես ծնվել էր Աստղիկ դիցուհին՝
Վարսերով հրե, վայրի նազանքով...
Ակնթարթորեն կախարդվեց Կարոն,
Շանթահար գերվեց տեսած
պատկերին,

Ապա ճրագը շատ արագ փչեց,
Որ կախարդանքը հավիտյան ցնդի,
Սերը տրոփող իր դաժան սրտից
Մեկեն հեռանա ու անդարձ չքվի,
Որ ֆիդայական արդար երդումից
Իր ճամփան հանկարծ երբեք
չշեղվի:
...Մարթայի դեմքը ճեփուճերմակ էր,
Ինչպես մարմնացած այս ծյունը
մաքուր՝
Տիրած Սասունին, հրին երկնային:
Ու որոնելու գնաց վեհաբար
Իր միակ սիրուն՝ Սասնո Դիցուհուն:
Եվ ամռան մի օր, տաքուկ կեսօրին
Գտավ Տեր-Քաջին գրլզրլի արտում՝
Գերանդին ձեռքին, ցանքը հնձելիս:
Կարոտով զրկեց ընկեր ֆիդայուն
Ու խոսեց խրոխտ, անկեղծ,
պարզերես...
Տեր-Քաջն էր հսկում բարձրիկ
կատարին
Փռված յայլաղի անշուք վրանում
Գիշերող քրոջ ու նրա դստեր
Քունն ու անդորրը, որ չհանդգնեն
Հանգիստը նրանց հանկարծ
խառվել:
Լավ գիտեր Կարոն, որ մի բանակ էլ
եթե փորձեր գալ յայլաղի վրա,
Տեր-Քաջի ձեռքից չէր կարողանա
Փախչել-հեռանալ, զեթ ասեղ
տանել,
Ուր մնաց՝ տաներ սիրուն Մարթային:
Տեր-Քաջի ձեռամբ ու կամքով
հոժար
Կարոն գիշերով Մարթային տարավ՝
Կտրելով վիհեր, անառիկ ժայռեր,
Մի խուլ ծորակում թաքստոց գտավ:
...Գյուղն է փոթորկել վարքից
Մորուքի,
Մարդիկ ցատունով ոտքի են ելել՝
Գտնելու իրենց դստերը կորած,
Վրեժ առնելու առեւանգողից...
Մի նոր կռիվ է Մորուքի կյանքում,
Ծանր ավելի, քան մարտերը այն,
Որ մղում էր նա ենիչերու դեմ,
Թշնամու վրա գնդակ արծակում:
Իսկ այս կռվի մեջ զենքը չէր բանում.
Խորամանկություն, խելք էր
հարկավոր,
Որ սիրով տիրեր Մարթայի սրտին,
Իսկ վրեժ փնտրող ամբոխն
հանդարտվեր...
Եվ հազար ու մի հնարանքներով
Մի կողմից սիրտը գերեց Մարթայի,
Ու կարողացավ աննկուն կամքով
Դիմադարձ կանգնել անսասնձ
փոթորկին:
Սասունն հանդարտվեց: Ամենքն
հասկացան,
Որ Մարթան պիտի արծիվ Մորուքին
Լինի սիրող կին, ընկեր անբաժան,
Միասին Հայոց աշխարհը պահեն,
Նոր օջախ հիմնեն, զավակներ
երկնեն...

5

Ցնծում էր Կարոն անշուք խրճիթում,
Իր չքնադագեղ Մարթայի կողքին.
Աշխարհը այնքան գողտրիկ էր
թվում,
Իսկ կինը՝ այնքան քնքուշ ու անգին:
Գիշերն հրաշք էր, ցերեկը՝ դրախտ,
Երջանկություն էր մաղվում
երկնքից,
Հայրենի հողին՝ անհունից անհայտ
Եվ շիկնում, պայթում հրաբորբ
սիրուց:
Անգին էր Մարթան, աստղի չափ
շողուն,
Ու ոչ մի ոսկի, ոչ մի մարգարիտ
Նրա ժպիտի նման չէր փայլում
Իր սրտին մոտիկ, ջերմ ու
սիրառատ...
Հողը հայրենի նոր ուժ էր առել,
Նոր ծիլ էր տալիս՝ ճիչով երկունքի,
Երբքը կյանքն այդքան ձգող չէր
եղել
Այսքան գունագեղ, այսքան սիրելի:
...Մորուքը հիշեց բարուրն իր
դստեր,
Ու թաթիկները՝ ծնից էլ ճերմակ,
Կապույտ աչքերը՝ երկնի պես բոսոր

Եվ թոթովանքը՝ ծայնով անուշիկ:
Հիշեց ծաղկի մեջ փթթած բալենին,
Որ շուք էր անում խրճիթի վրա,
Կանաչ արտն հիշեց լեռան
տաք փեշին,
Հոգու աղոթքը՝ Վանքում Մարութա:
Ապա աչքի դեմ հրեշներ եկան՝
Քրդի ու թուրքի, չերքեզի տեսքով,
Անկանգ երթերով մարդակերության:
Աշխարհն հայրենի ոտնակոխ եղավ:
Թշնամին բացեց երախն իր զազան,
Թե՛ ծեր, թե՛ մանուկ, թե՛ այր, եւ
թե՛ կին՝
Բոլորին լափեց մի անհուռ ոխով,
Ու նախճիրներում բնաջինջ եղավ
Բովանդակ մի ազգ՝ անտեր,
անպաշտպան:
Պահած զենքերը դուրս բերեց
կրկին,
Հին ընկերներին իր շուրջը խմբեց,
Ջիհադի ելած ոհմակների դեմ՝
Կենաց ու մահու կռիվներ մղեց:
Բազմաթիվ կյանքեր թշնամու սրից
Փրկեց-հասցրեց սուրբ էջմիածին:
Արաքսից անդին, նոր հայրենիքում
Բնավորվեցին դուստրերն ու
Մարթան,
Ինքն էլ միացավ քաջ Անդրանիկի
Կամավորական, կռվող բանակին:
Մարտերով անցավ դաժան
ճանապարհ,
Մտավ երգրում, հասավ Երզնկա,
Որտեղ կանգ առավ երթը
հաղթական,
Ապա սկսվեց նահանջ դավադիր,
ճակատի լքում ու զենքի հանձնում
Պարտված թշնամուն՝ այնքան
նենգաբար
Ցարի գահն առած Լենինի
կամոք...
Ռուսաց զինվորը զենքն էր դեն
նետում,
Փութաջանորեն ճակատը լքում,
Խառնաշփոթված վերադառնում
տուն:
Հայ զինվորներին թողնելով մենակ
Արնախում, հսկա բանակների
դեմ...
Փախուստից առաջ՝ անմիտ
նահանջից,
Գեներալները ռուսաց բանակի
Թշնամու վրա զենք էին ծախում՝
Չորեղացնելով բանակը թուրքի
Կենաց ու մահու այդ գոյամարտում:
Ոսոխն էր գալիս հեղեղի նման,
Ու նորից արյուն հեղվեց ամենուր,
Դժվար էր փակել աղետի ծամփան,
Հուսալքումի խուճապն ահավոր:
Աչքերի առաջ Լենին հրեշի
Բիրտ, արյունարբու պատկերը
եկավ՝
Սատանայադեմք ու ահազարհուր,
Եվ ոճիրները՝ անվերջ, դիվային,
Որոնց բոցն, ավաղ, Հայաստան
հասավ...
Թուրքը գալիս էր հեղեղի նման,
Ինքը կռվում էր համառ ճիգերով՝
Վեհ Անդրանիկի զորքերի շարքում,
Վերքերն իր բազում հաշվի
չառնելով:
Կռվում էր Չոլոն, Ախոն էր կռվում,
Սասնո Մուշեղը, Կարո Սասունին,
Սեպուհը հզոր, անպարտ
Մախլուտոն...
Ու անցնում էին արյան գետերով,
Քարվանկորուսի ծամփով մոլորուն,
Որը երկարեց Եփրատի ափից,
Հասավ Կարինին, Սարիղամիշին,
Կարսին, Անիին ու Ալեքսպոլին,
Չզվեց մինչ Սյունիք ու Գողթան
զավառ,
Ձուլֆա ու Թավրիզ ու
Չանգիբասար...
Նա փորձեց հաշվել, թե իր
«Սոսիցից»
Ու «Տասնոցներից» քանի մահացու
Գնդակ է թողել թշնամու վրա,
Քանիսին փռել զարկով անվրեպ՝
Ռազմադաշտերում սեւսիրտ,
մահապարատ...

/Հարունակելի/
Խոսքով Խլղաթյան



Լրատվական գործունեություն իրականացնող «Գեղարքունիք»
թերթի խմբագրություն» ՓԲԸ: Հասցեն՝ ք. Գավառ,
Կենտրոնական շրջանի հրապարակ 7
էլ.հասցե՝ khosrov1@yandex. ru
Գլխավոր խմբագիր՝ Խոսրով Խլղաթյան
հեռ. բջջ. 094022692

Վկայական՝ 02 Ա 050560: Գրանցման համարը՝ 25.120.00834:
Տրված 07.05.2001թ.: Տպաքանակը՝ 1000: Ծավալը՝ 2 մամուլ:
Թողարկման օրը՝ 14. 02. 2025 թ.:
Տպագրվում է «Սամարկ» ՍՊԸ տպարանում:
«Գեղամա աշխարհ» թերթի բոլոր համարներին կարող եք ծանոթանալ
https://tert.nla.am կայքում: